

UMOYA WELICINISO



. . . kholwa

Asichubeke nekuma umzuzwana nje manje sisakhuleka. Asikhotsamise tinhloko tetfu.

² Babe wetfu loseZulwini Lolungile, njengoba sisondzela kuWe manje kuleloGama lelenele konkhe leNkhosi Jesu, sifuna kunika Wena ludvumo ngaloko Wena losentele kona, loko emehlo etfu lakubonile, netindlebe tetfu letikuvile kulolu tinsuku tekugcina tekuvala kwetenteko temlandvo walelive, lapho sikhatsi sifiphala singena eliPhakadzeni, futsi sibona Tibane tikhanya, siyati kutsi akusesiso sikhatsi lesidze manje kuze kube kuBuya kweNkhosi Jesu.

³ Sitawucela kuWe, Babe loseZulwini, kutsi usikhumbule kusihlwa. Futsi uma kubakhona noma ngubuphi bubi kitsi, bukhiphe, Nkhosi, kusihlwa, kutsi singetfulwa kuWe uma Ufanele ufile kusihlwa. Sikhulekela labagulako nalabadzingile.

⁴ Sikhulekela liBandla laKho, kokubili lapha nangesheya, emhlabenji jikelele, bantfwana baKho ndzawo tonkhe bato tonkhe tive, kutsi singahlanta tingubo tetfu eNgatini yeliWundlu, futsi silalele loko kubita, "Bukani, nangu uMyeni eta. Phumaniniye kuyoMhlangabeta." Kwangatsi singakhona ngaleso sikhatsi, Nkhosi, ngemusa waNkulunkulu, nangekufaneleka kwaJesu lesiMetsembako, kukhanyisa tibane tetfu futsi sichubekele embili ke kuhlangabeta uMyeni. Tsatsa Livi leNkhosi kusihlwa futsi usoke tinhliyo tetfu. Khipha konkhe kungakholwa. Siphe inkonzo lenkhulu. EGameni laJesu siyakucela. Amen.

Ningahlala phansi.

⁵ Kummandzi sibili kubuya lapha e...lendzawo lengcwele yeNkhosi, kusihlwa, enkonzwensi. Sibe nesikhatsi lesikhhatimula kakhulu itolo kusihlwa enhla ka...Mnaketfu Groomer. Futsi ngyiyakhumbula emnyakeni lophelile saba nesikhatsi lesihle kakhulu.

⁶ Sibe nesikhatsi lesimandzi, ndzawo tonkhe. INkhosi isibusisile nje ngalokwendlulele lokucicimako, ngetulu kwalengake ngakucabanga kutsi Iyokwenta. Kodvwva Igewe sihawu nebumnene. Kuhle nje kwati Yona. Akunjalo na? Futsi kucabanga "Kwati Yona, kukuPhila." Kwati Yona, kuPhila.

⁷ Manje, kusasa ebusuku, sitoba sentasi eCentral Avenue Assembly, ngikholwa kutsi kubitwa kanjalo. UMnaketfu Fuller, lomunye umnaketfu lokahle. Futsi ngicabanga kutsi libandla lelikhulu entasi lapho. Futsi siyetsema mhlawumbe kutsi

singaba ne—nelilayini lalabakhulekelwako, uma kulungile neMnaketfu Fuller. Ngako si . . .

⁸ Futsi-ke, ku—kusa lokulandzelako, sitawube sise, ngiyakholwa, kubitwa nge-Apostolic Church lapha ePhoenix. Futsi angikhumbuli nje kutsi ngubani lomelusi, lowo mnaketfu, bekangubani. Ngabe bengilapho emnyakeni lophelile na? [Lomunye umnaketfu utsi, “Cha. Lelo ngulelisha, libandla laseMexico, Mnaketfu Branham.”—Umhl.]

⁹ Futsi-ke ngeliSontfo ebusuku ebandleni leMnaketfu Outlaw loligugu enhla lapha, iJesus’ Name Church. Futsi nginekulangatelela lokukhulu, futsi umndeni wami, kungena lapho futsi sive lokunye kwaloko kuhlabela lokuhle.

¹⁰ Billy Paul ufanele kube uyakwati, sonkhe sigci, ngenhlitiyo. Sadlala leloculo, *Ngiya Etulu, Etulu*, kwaze, ngekwetsembeka, lentfo yaguga yaphela, kuletheyiphu. Utocala ehhovisi, futsi ngaso sonkhe sikhatsi selusuku uma ngiya lapho, akunandzaba, udlala lelo, “Etulu, etulu, etulu.” Yintfo letsite! Silidlale kakhulu, futsi lelirekhodi selitse kusondzela ekugugeni liphele nya.

¹¹ Niyati, ngitsite kuba nemuzwa kusihlwa. Kutsi, ngishe livi kancane. Ngacabanga, “Hhe, uma nje ngingabona lomuny’umuntfu, lobekangangikhulumela,” futsi kwenteka ngabuka ngapha futsi ngibona Jack Moore. Ngalokungiko nciamashi. Angikaze...O, ngikholwa kutsi loko bekuyoba kuhle kakhulu, Mnaketfu Jack. [UMnaketfu Jack Moore uyaphawula—Umhl.] Manje lalelani loko.

¹² Futsi ngiyakholwa ngibona uMnaketfu Roy Borders ahleti ngalapha, futsi. Yebo, mnumzane. UMnaketfu Noel Jones ahleti ngalapha. O, hhe! Sonkhe sikhona nje, yonkhe indzawo. Ngicabanga kutsi bekuyoba sikhatsi lesihle, mhlawumbe, uma ngingaphumula kancanyana, niyati, futsi ngibe nalamanye alamadvodza lalungile kutsi asukume lapha futsi angikhulumele nangishelwe livi, niyati. UMnaketfu Jack watsi, “INkhosi ayikho kuleso sambulo.” Yebo-ke, bengikhatsese ngesikhatsi ngifikasi. Futsi ngi—futsi ngitsite kukhatsala kancane, sonkhe lesi sikhatsi.

¹³ Futsi ngibona bantfu beme lapho, nekutsi bafanele beme kanjani, futsi ngitsi kujabula kutsi ngime nabo. Manje, iNkhosi inibusise.

¹⁴ Futsi siyalangatelela manje kulena leminte imihlangano letako. Futsi-ke eviki lelitako kusentasi ePhentekhostali Assemblies, futsi kukhuphukele enhla. Futsi siyasonga, ngaLesitsatfu lolandzelako ebusuku, ku 11th naGarfield. Angikhoni nje kuwakhumbula onkhe engcondvweni. Khona e, ngiyakholwa, iFirst Assembly of God edolobheni. Futsi—futsi ke ingcungcuthela icala eRamada.

¹⁵ Futsi manje kunelidzili leBusiness Men entasi e—edolobheni lelikhulu lase-Arizona: eTucson.

¹⁶ Futsi kusobala, sonkhe siyati kutsi iPhoenix naletindzawo leti, tisemacentselweni nje alelodolobha. Futsi loko kunjalo. Leyo yindzawo leyinhloko. Lelo lidolobha lakitsi, niyati, ngako, futsi ngako, etulu egcumeni. Futsi-ke loku, nje, luhlobo lwemacentselo alo, ngani, kummandzi kuba nani nonkhe njengabomakhelwane.

¹⁷ Ngako, ngikholwa kutsi kwakunguMnaketfu Rasmussen, ngalobunye busuku, washo intfo letsite lenjengaloko emhlanganweni, futsi, o, hhe, leyacishe yahliphita umhlangano yawucedza. Ngikholwa kutsi sasise—sasiseHouston. Futsi kwakunguRamsar. Kwakunguloyo ke. Watsi, ngalobusuku iNgelosi yeNkhosi leyehla ngabo, batsatsa sitfombe, futsi watsi, “Nonkhe nine bantfu leningalapha lenivela—nivela eDallas,” watsi, “siyati kutsi ngemacentselo eHouston.” Futsi, o, hhe! ITexas ayikhonanga kukutsatsa, njengaloku nine bantfu base-Arizona ningakutsatsa. Ngako kwabanekuthula lokukhulu kulomhlangano.

¹⁸ Yebo-ke, Unemandla impela. Futsi manje ngicabanga kutsi sitovula umBhalo lapha, futsi nje ngnikete bufakazi lobuncane kwesikhashana. Ngeke yimi loko kutsi kukugucule na? Ngivele ngakushaya nje ngalapha kamatima kakhulu sengize ngibe nemahloni kunibuka. Futsi mhlawumbe ngininike kuphumula lokuncanyana, futsi ngnikete lobunye bufakazi bekulunga kweNkhosi yetfu.

¹⁹ Asitfole indzawo kuJohane loNgcwele, sahluko se 16 saJohane loNgcwele. Futsi ngine 16:12. Ngitotsanza kufundza kusuka—kusuka kuleyo ndzawo eVangelini laJohane loNgcwele. Ngitsanza kufundza Livi, ngoba Livi nguloko lokusenta sati kutsi kuliCiniso. Sicale ngelivesi le 12, futsi lalelisisan manje, ngoba ngifuna kuniketa bufakazi.

²⁰ Futsi-ke sitokwetama kungena kusenesikhatsi kancane nje. Bengisolo ngnigcina kuze kwendlule sikhatsi kakhulu. Futsi kusasa ebusuku, ngani, sitohlala sikhatsi lesengetiwe ngangehhafu yeli-awa. Loko kutokwenta cishe insimbi yekucala nco, ngeke kwakwenta na?

Ngako, ngako, loku kucala ngelivesi le 12:

*Ngisenalokunengi lengifanele nginitjele kona, kodvwa
ningeke nikhone kukwetfuala manje.*

*Kepha uma yena, uMoya weliciniso, sekefikile,
uyawuniholela kulo lonkhe liciniso: ngoba angeke
akhulume ngayelucobo; kodvwa nomangabe yini loko
latotokuva, loko utokukhuluma: futsi utanikhombisa
tintfo letitako.*

Utakwenta manje... angikhatimulise: ngoba utakwemukela lokukwami, futsi anikhombise kona.

Tonkhe tintfo... Babe lanato tami: ngako-ke ngishito Mine, kutsi utawutsatsa lokukwami, bese unikhombisa kona.

²¹ Niyati, itolo kusihlwa, ikakhulukati, sibe nesampuli lencane yaloko. Manje, tsine sibantfu beliVangeli leliGcwele, sikholelwu kuko konkhe kusebenta lokunengi kwaMoya loyiNgcwele. Futsi manje, nguyona ndlela kuphela lesingaba liVangeli Leligcwele ngayo, kukholwa liVangeli leligcwele, konkhe loko iNkhosi lekubhalile. Futsi ngikholwa kutsi si, tsine lucobo, asisilutfo. Sifana nje...

²² Njengoba ngishito kuMnaketfu Carl, itolo, ngibuke sihlahla, ngatsi, "Akusilo lusundvu loluhle lolo na? Kodvwa, empeleni, akukho lutfo kulo ngaphandle kwesicuku semlotsa wentsabamlilo. Linguloko kuphela." Futsi ngatsi, "Lehluke kanjani manje kuloyo gomu. Yebo-ke, yini gomu na? Ngumlotsa wentsabamlilo, lonekuphila kuwo nje." Futsi ngatsi, "Empeleni, ngiyini mine futsi nawe uyini na? Umlotsa wentsabamlilo, kunjalo impela, uvela emhlabeni; ulutfuli lwemhlabu, kunekuphila kuwo."

²³ Kodvwa imphilo ngayinye ihlanyelwe yinkhosu uMniketikuphila, futsi Yena uyati kutsi kanjani nje futsi yini lekumele yentiwe. Futsi konkhe Lakumise lapha emhlabeni kukwenkhatimulo yaKhe. Tinkhanyeti titenkhatimulo yaKhe. Imimoya iyenkhatimulo yaKhe. Timbali titenkhatimulo yaKhe. Futsi sikucheliswa kwenkhatimulo yaKhe.

²⁴ Kodvwa kubonakala kwangatsi yonkhe intfo itoMlalela ngaphandle kwemuntfu. Umuntfu ubonakala nje kwangatsi... Uneskhatsti lesinjalo, ngenga yekutsi bekanguyonantfo kuphela leyawa. Yonkhe lenye intfo yahlala esimeni sayo sasekucaleni. Kodvwa, umuntfu wawa. Ngako-ke, Nkulunkulu unemphi naye, kumenta ente lokulungile, nekulalela.

²⁵ Futsi lenye yetinkinga letinkhulu taNkulunkulu, entasi kudzabula eminyakeni, njengoba umlandvo welibandla usho, kutfola umuntfu lotsite Langakhona kumtfola ngalokuphelele ekulawulenli kwaKhe. Udzinga umuntfu munye kuphela. Bekahlala njalo asebentisa umuntfu munye ngasikhatsi sinye. Sikudadishile loko busuku lobumbalwa bekugcina: umuntfu munye, hhayi licembu. Ufuna nje munye. Nguloko kuphela Lakudzingako. Ngoba, bantfu lababili bebangaba nemibono lemibili leyehlukene. Uvele nje ente umuntfu munye, utimelela Yena lucobo ngalowomuntfu munye. Akakaze Akwente ngaphandle kwaloko. Niyabona na?

²⁶ Manje, UneMuntfu munye namuhla, futsi lowoMuntfu nguLowo lesisandza kufundza ngaye kamuva: uMoya loyiNgcwele. UnguMuntfu Nkulunkulu lamtfumelile,

uMoya waJesu Khristu emhlabeni, uMoya waNkulunkulu, kubonakalisa nekumemetela Khristu ngeliBandla laKhe, niyabona, nje kuchuba iMphilo yaKhristu ngeliBandla.

²⁷ Manje, kuyintfo lenhle kakhulu, futsi—futsi noko kulula kakhulu, uma besingema nje futsi sicabange. Siyacindzetela, siyatfutfumela, si—siyesaba, singena ekukhungatsekeni nekungabata, sicabanga nje. “Yebo-ke, ngifanele ngicindzetele na?” Akusiko loko. Kukuvumela nje, niyabona, ucondza kutsi awusilutfo, futsi nje uMvumele ngalokuphelele akulawule, alawule kucabanga kwakho, kulawula.

²⁸ Manje, angikacondzi kuhamba wenyukele kuKhristu nge—nje nge—ngemcondvo lokhohliwe. Angikacondzi loko. Wota kuYe ngemcondvo wakho losangulukile, futsi ngemcondvo lo—lo—lonekutisola, nekutfobeka. Bese-ke utsi, “Nkhosi Jesu, ngilapha. Manje, kubhaliwe lapha eVini laKho, kutsi Wena ‘waba netintfo letinengi kepha noko kutisho kubafundzi.’ Wena watsi, ‘Bebangeke bakhone kutitfwala manje.’” Futsi mhlawumbe lolo ludzaba lwetfu namuhla, angeke sikhone kuticondza.

²⁹ Nkulunkulu angavusa lokutsite lokuncane lokwehlukile nje, futsi ngako konkhe siyakwala. Esikhundleni sekuhlola umBhalo kuze sibone uma kulungile noma akukalungi, sivele sikulahle ngekushesha nje, “Akukho lutfo kuko.” Besifanele sitihbole letintfo leti, sitfole kutsi tilungile yini noma cha. Futsi khumbulani, uma tingakalungi, titokufa ekugcineni, ngoba Jesu watsi, “Sonkhe sihlahla Babe waMi loseZulwini langasihlanyelanga sitosiphulwa.”

³⁰ Kodvwa ngicabanga kutsi kwakunguGamaliyeli lowenta lesositatimende lesikhulu ngaleso sikhatsi, “Uma kukwaNkulunkulu, asifuni kutfolakala silwa naKo. Futsi—futsi uma kungesiko kwaNkulunkulu, kuyoba lite noma kanjani.” Ngako, kudadishe futsi ucabange ngako.

³¹ Futsi manje, Watsi ekhatsi lapha, “Kodvwa uma Yena, Moya loNgewe, sekefikile.”

³² Manje, lotsite watsi, ngalesinye sikhatsi lesendlulile kwenteka, akhuluma, watsi, “Moya loyiNgewe empele niungumcondvo wengcondvo yakho. Uyacabanga.” Loko bekuyobeka Moya loyiNgewe umcabango.

³³ Kodvwa liBhayibheli latsi, “Uma Yena . . .” Futsi “Yena” sabito selucobo. Niyabona na? Niyabona na? “Uma Yena,” loMuntfu, Moya loNgewe, Nkulunkulu, “efika, Uyokwembula letintfo leti kini, leleNginitjele tona.”

³⁴ Khona-ke, niyabona, ayikho lenye indlela yekwati kutsi liyini liCiniso. Kuphela nge . . . Ungeke ultifole ngelisiko, ngetipiliyoni takusemina. Utolitfola kuphela ngaMoya loyiNgewe. NguYe lotfunyelwe kuLembula.

Manje, khona-ke, Waphindze watsi, “Futsi Utonibonisa tintfo letitako.”

³⁵ Manje, emaHebheru, sahluko 1, satsi, “Nkulunkulu etikhatsini tasendvulo nangetindela letehlukene wakhulumka kubobabe ngebaprofethi, kodvwa ngalolusuku lwekugcina ngeNdvodzana yaKhe, Khristu Jesu.” Niyabona na? NguMoya loyiNgewe utsatsa kwengamela, noma wengamela liBandla, kusebentisa Khristu eBandleni. Khona-ke, uba njengaloku Bekenjalo. Yena uba njengoba wawunjalo, kuze wena ube njengaloku Bekenjalo. Niyabona na? Uba nguwe, kuze wena ube nguYe. Loko, ku—kungetulu kwekuondza. Ayikho indlela yekukuchaza, futsi ungakutami. Kwamukele nje. WaLikhuluma, futsi loko kuyakucatulula. Vele utsi kulungile. Likholwe.

³⁶ Manje, njengemKhristu losemusha, bengihlale ngenta lesitatimende. Ngajabula kutsi Nkulunkulu wangibamba ngaphambi kwekutsi libandla lingibambe. Kulukhuni kusho kutsi bengiyoba kuphi. Kodvwa nga—ngaba nekubonga ngebuholi nekuchumana lokuondzile uMoya loyiNgewe ahlabi umchwele imphilo yami ngako, ngaphambi kwekutsi ngite ngikunikele. Ngoba, njengemfana lobekasemncane, ngati kutsi kwakukhona iNTfo letsite. Bekakhulumile, futsi ngangikhuluma naYe. Wangiphendvula. Futsi ngicala kucaphela kutsi tintfo Langitjela tona, njengemfana lobekasemncane, kutsi ticala kwenteka nciamashi nje ngendlela Latsi tiyokwenta ngayo. Ngako ngati kutsi kwakufanele kube liciniso.

³⁷ Manje, ngiyindvodza lendzala manje. Futsi a—angikaze nakanye... Futsi ngingabita umhlabu kutsi—kutsi ume ntsi, futsi ngibabute. “Khomba intfo yinye nje Lake angitjela yona, ku ISHO KANJE INKHOSI, eGameni leNkhosi, ngaphandle kwaloko lokwaba liciniso mbamba futsi maciniso nje, futsi kwenteka, etinkhulungwaneni letiphindvwe katinkhulungwane tetintfo.” Kwentani...

³⁸ Ngikusholo kutsini loko na? Niyabona, ngibeke tsine sonkhe njengelutfuli lwentsabamlilo. Kodvwa setsembiso seLivi laNkulunkulu. Ngako-ke, angikwati kutetsema. Awukwati kutetsema. Kodvwa, ndzawonye, singaba nekwetsema kuLoko lokusengamele. UMoya loyiNgewe usengamelile. Sifanele sibe nelitsema kuLoko. Futsi njengoba sibeka litsema letfu kuLoko, bese-ke imiphumela iyefika.

³⁹ Bekungaba ngaphandle kwesizatfu kimi kutsi ngitame ngisho kwe—kwengula ngetulu kunitjela letinye tetintfo Moya loyiNgewe latentile emphilweni yami lucobo leyephukile, tinsuku tami. Ngisho loku neliBhayibheli laKhe livuliwe, Livi laKhe. Futsi nguloko Langiko. ULivi.

⁴⁰ Niyabona, le—leMbewu lapha ifika emlotseni wentsabamlilo, ngendlela yesiDalwa sakamoya. Nkulunkulu

ungena njengeMoya futsi usebenta ngemlotsa. Ngako, akusuye umuntfu. NguNkulunkulu.

⁴¹ Futsi uma ngimele nighlale phansi, futsi ngitsatse sikhatsi sekubhala phansi tintfo lengiMbome atenta, bekungenta umcukutfu wetinewadzi. Futsi nekucabanga ngako lapha, iminyaka lengemashumi lasihlanu nakutsatfu budzala, futsi ngingasho embikwaNkulunkulu, liBandla laKhe, neliBhayibheli, ebukhoneni balelicembu, kutsi, “Angikaze nakanye ngiKubone kwehluleka; ngalokuphelele nje ngco ephuzwini, ngaso sonkhe sikhatsi.”

⁴² Ngaphandle kwaloko, kwangalelelinye lilanga lapho ngita ngasenshonalanga. Niyidlalile letheyiphu, linengi lenu, ngiyacabanga, niyacondza. Angati kutsi yini. Ngilindzile. Ngilapha manje. Angati kutsi kungani. Ngilindzile nje.

⁴³ Kungahle kube sikhatsi sami sekuya ekhaya. Kubukeka kakhulu ngaleyondlela. Uma kunjalo, kutovuka lomunye umuntfu emvakwami, loyochubeka neMlayeto. Uyoba ngumuntfu loyincaba, kodvwa uyovuka emvakwaloku bese uchubeka neMlayeto. Futsi niwulalele. Kuphela nje uma kungumBhalo, hlalani nawo.

⁴⁴ Uma kungenjalo, kuta lenye incenye manje, ngoba ngyiakholwa kutsi siphila etinsukwini tekugcina, futsi ngingekubonga kutsi ngiphile kulolusuku. Beningeke ngantjintjanisa ngalolusuku nganoma nguluphi lusuku. Lolu lusuku lolukhatimula kunato tonkhe lolwake lwaba khona emhlabeni. Alukho lolunye lusuku lolwake lwatsatsa lulosuku.

⁴⁵ O, Mosi bekayokwentani, Elija, Pawula, Silasi, lawo machawe lamakhulu elukholo, etinsukwini lesetendlula, uma bangavuka futsi batsatse incwadzi yemlandvo, futsi babuke nciamashi loko lebebaprofethe ngako, kufezeka, futsi babone lapho sikhona manje? Ngani, bebayobafaka ejele, ngeli-awa nje. Impela. Bebayoba njengemadvodza asendle, behla benyuka ngetitaladi, kakhulu nje ngako konkhe lebebangakuhamba, bachumisa liVangeli. “Sikhatsi sesisedvute.” Ngako-ke siyabona, kusihlwa, kutsi sisilalelwé kakhulu yinkhatimulo yaNkulunkulu.

⁴⁶ Kodvwa ngingatsandza kubuyeketa ngalokuphutmako nje, kutsi kutfola libandla . . .

⁴⁷ Empeleni, ngabe Billy Paul uwakhophile yini emakhadi ekukhulekelwa kulelibandla kusihlwa na? Ngisandza kufika ngivela eTucson imizuzu lembalwa leyendlulile. [Lomunye utsi, “Yebo.”—Umhl.] U—uwakhophile emakhadi. Manje, loko kutoba yindlela lematima kabi yekutama kubaletsa ngalapha. Sitokutama.

⁴⁸ Manje, angeke ngitsatse sikhatsi lesidze kakhulu, kuniketa bufakazi nje etikwalomBhalo.

⁴⁹ Kutsi, Khristu ugcina onkhe emaVi aKhe. Ufanele. Ufanele akwente. Niyabona na? Angidzingeki kutsi ngikwente; ngingulofako, lobopheleleke emaphutseni. Ungulongafi, longehluleki. Ufanele aligcine laKhe. Niyabona na? Kodvwa angidzingeki kutsi ngicbine lami. Awudzingeki kutsi ugcine lakho. Kodvwa Yena uyakwenta. O, loko akubeki yini intfo letsite kuwe, kwati kutsi U—Ubopheleleke ngalokuphelele kuleloLivi na?

⁵⁰ Futsi, loko, kuleliviki, indlela lesite ngayo eBhayibhelini, nalabo baprofethi kanye nabokhokho, futsi sikhatsi ngasinye kukhombisa kutsi ngesikhatsi libandla likhweshile kuloko, Nkulunkulu watfumela lomunye umuntfu entasi ngco futsi wabatamatamisa babuyela ngco kuleloLivi futsi, acondzisa libandla. Bekuhlala kunjalo. Lowo ngumgommo waNkulunkulu. Wakhetsa bantfu kutsi bente kanjalo.

⁵¹ Manje, kube Bekakhetse tinkhanyeti kutsi tishumayele liVangeli, ngabe kwentiwa kadzeni. Betingeke tiphume entsandvweni yaKhe. Kube Wakhetsa li—lilanga kutsi lilishumayele, noma i—imimoya kutsi ilishumayele, bebaneke baphume entsandvweni yaKhe. Niyabona na?

⁵² Kodvwa sisetisekelweni tekutikhetsela ngalokukhululekile. Singenta ngendlela lesifuna ngayo. Futsi kungaleso sizatfu kutsi sibe buhlungu benhlitiyo kuYe. Sonkhe sikhatsi ngalendlela, futsi sifuna kujovela tindlela tetfu, futsi sidede endleleni yaKhe. Niyabona na?

⁵³ Futsi ngi—ngishito phambilini, umuntfu uhlala njalo advumisa Nkulunkulu ngaloko Lakwentile. Futsi uhlala njalo asho loko Latokwenta. Futsi-ke, ngesikhatsi lesifanako, anganaki loko Lakwentako manje. Niyabona na?

⁵⁴ Umuntfu utawutsi, “O, Nkulunkulu wavula Lwandle loluBovu. Yebo. Ludvumo kuNkulunkulu! Kunjalo.” “Yebo, Jesu uyabuya futsi. Haleluya! Kunjalo.” Kodvwa, khulumha ngaYe namuhla na? “A, loko kwakukwalolunye lusuku.” Niyabona na? Niyabona na? Sonkhe sikhatsi nguloko Lakwentile, loko Latokwenta, futsi anganaki loko Lakwentako manje.

⁵⁵ Leso timo letifanako Jesu Khristu latitfolile ngesikhatsi Efika emhlabeni. Kunjalo impela. Nkulunkulu utsembise loko Lakwentile. Futsi naku lapha Akhona, eme embikwabo, futsi abaMatanga. “Bekaseveni, nalelive lentiwa nguYe, futsi live aliMatanga.” Kunjalo.

⁵⁶ “Kodvwa labanengi labaMamukela, kulabo Wabanika emandla kutsi babe ngemadvodzana aNkulunkulu.” Leyo yincenye lekhatimulako.

⁵⁷ Kwakusikhatsi lesitsite lesendlulile, umbono lomncane lengingatsanza kukhuluma kini ngawo. Futsi angati, ngingahle kube angizange sengiwusho kodvwa nje kumuntfu lotsite ndzawanatsite. Kodvwa ngi—ngisandza kulahlekelwa

ngulomunye webantfu labakhulu kunabo bonkhe kulomhlaba, kimi, make wami.

⁵⁸ Futsi ngi—ngiyamtsanda make wami. Yeka kutsi ngangimbona kanjani esuka etafuleni, lapho sasiphuye kakhulu khona, singenalutfo kuludla! Futsi yena...Babe beketa nesinkhwa, lapho bekashanyela khona sitolo, noma lokutsite, futsi—futsi bebatela likhofi etikwaso, bese bafaka shukela etikwaloko. Futsi make bekenta kwangatsi bekangakalambi, kuze tsine bantfwanyana sibe nalokutsite lesingakudla. O, a—angeke ngize ngikukhohlwe loko. Niyabona na? Futsi tikhatsi letinengi bekangicukula, kanye netintfo langentele tona. Kodvwa, niyati, Nkulunkulu u—ugcweli nje umusa. Ucondza tonkhe letotintfo, lapho afanele abatsatse. Futsi ngi—ngiyamtsanda ngako.

⁵⁹ Bekuhlala kunjalo, kutsi, ngaphambi kwekutsi nanoma ngumuphi webantfu bakitsi bafe, ngikubona ngaphambi kwekutsi kwenteke, embonweni.

⁶⁰ Ngambona umnaketfu, lapho ngangineminyaka lelishumi nesiphohlongo kuperha, iminyaka lelishumi nemfica budzala. Ngambona ngaphambi kwekutsi ahambe. Ngangingesuye ngisho umKhristu, kodvwa ngabona umbono ufika embikwami, ngabona umnaketfu ahamba.

Ngabona babe wami ngesikhatsi ahamba.

⁶¹ Howard, linengi lenu liyamkhumbula Howard. “Howard,” niyangikhumbula, iminyaka lemibili ngaphambi kwekutsi kwenteke, ngatsi, “Howard, ngibone indzawo yakho imakiwe. Uyalandzela.” Ngatsi, “Lungisa, mnaketfu, ngoba utohamba nguwe lolandzelako.” Futsi wahamba, nciamashi nje. Futsi—ke, lapha sikhatsi lesitsite lesendlulile...

⁶² Manje, ngiyetsema kutsi loku akuvakali kukwedzelela lokungcwele, kodvwa, kukhombisa nje ku—kukhatsalela kwaNkulunkulu. Nkulunkulu uhlala akhatsalela ngetintfo letincane, ngalokufanako njengetintfo letinkhulu. Ngifuna kusho loku kuze kuzuze labanye balabashumayeli labakahle. Loko kungaba...Futsi ngitiphonsela kuko.

⁶³ Manje, singa, sonkhe, njengekufana naBilly Graham, kodvwa tsine...Futsi sonkhe besingatsanda kufana na-Oral Roberts. Kodvwa, tsine, asisuye Billy Graham noma Oral Roberts. Sitinceku taNkulunkulu ensimini leyo Yena lasibeke kuyo. Niyabona na? Akunandzaba kutsi kuncane kangakanani, noma kukhulu kangakanani, kungulokufanako nje emehlwemi aNkulunkulu, kuhlala kufana, kwenta kahle endzaweni lapho ukhona. Sonkhe sikhatsi, kuyintfo lenhle kulandzela iNkhosi.

⁶⁴ Ngingamane ngizuze...noma ngihambe futsi ngibe nelibandla lelinebantfu labangemashumi lasihlanu kulo, entsandvwensi yaNkulunkulu, kunekuhamba ngibe netinkhulungwane letishlanu ngaphandle kwentsandvo

yaNkulunkulu. Impela. Nkulunkulu angenta lokunengi ngemuntfu losentsandvweni yaKhe, e-aweni linye, kunaloko Langakukhona ngemuntfu longaphandle kwentsandvo yaKhe, eminyakeni lengemashumi lasihlanu. Niyabona na? Uyakhubeka futsi uyayendzetela, njengekudubula ebumnyameni. Kodvwa uma umuntfu asentsandvweni yaNkulunkulu mbamba, futsi ati lubito lwakhe, umele ahlale lapho.

Futsi manje, imibono, kutsi iNkhosi Nkulunkulu ise benta kanjani ngayo. Ngi...

⁶⁵ “Ngesikhatsi Yena, uMoya loNgewelete sekefikile, Utokwembula letintfo leti Lengikhulume kini ngato.” Manje, kute sidzingo sekutama kukucabangisisa, nomangayiphi lenye indlela. UnguMcambi. Ngalokucinisekile bekafanele ati loko Lakubhalile. Niyabona na? LiBhayibheli latsi Wakubhala. “Ngisho emadvodza asendvulo, aholwa nguMoya loNgewelete, abhala Livi.” Futsi uma Moya loNgewelete anguMcambi weLivi, ngalokucinisekile Uyakwati kuLihumusha kancono kunaloku lesikwentako. Akube nguYe loLihumushako. Futsi niyati kutsi kanjani, indlela LaLihumusha ngayo na? Manje, ningatigeji letintfo leti uma nita enkonzwensi yekuphilisa. Bukani. Ningakugeji loku. ULihumusha kanjani na? Ngaloku, ngekuLicinisekisa, niyabona, aLente libe njalo.

⁶⁶ Nguloko Jesu lakusho. “Hlolani imiBhalo. KuYo nicabanga kutsi ninekuPhila lokuPhakadze; futsi NgiYo leshoko kutsi Ngingubani Mine. Ngiyo lekhuluma ngamMi. Futsi ngubani longaNgilahla na? Ngubani longaNgimangalela ngesono na?” Sono ku “ngakholwa.” “Uma Ngingenti lemisebenti leyabhalwa ngamMi, khona-ke ningaNgikholwa. Kepha uma Ngenta lemisebenti, futsi ningaNgikholwa, khona-ke kholwani lemisebenti, ngoba le—leLivi lakhuluma ngayo.” Niyabona na? Loku kuyintfo levamile nje, umcondvo wamalanga onkhe.

Manje, Nkulunkulu, “Tipho nekubitwa kungaphandle kwekuphendvuka.” SiyatliBhayibheli liyakusho loko. Bayakwenta.

⁶⁷ Sekube cishe, cishe impela yiminyaka lemibili manje. Ngangi... Ngalokunye kusa ngangihamba e—endlini, futsi ngangikadze nighleti esitulwени. Manje, loku kubonakala kungulokungakejwayeleki, kutsi Nkulunkulu uyofaka nesilwane. Njengalomunye umnaketfu loligugu, kulowo mbono waseZulwini, ngaloko kutfwalwa lokuncane lengaba nako; ngikholwa kutsi nganitjela ngako, kanye, noma lomunye umhlangano. Wangibhalela incwadzi ngalelelinye lilanga, futsi watsi... Liphephabhu liPhimbo lemaDvodza labosomaBhizinisi lalikucuketse. Watsi, “Kwaku... lombono wakho bewukahle, Mnaketfu Branham, kuguculwa kwakho. Kodvwa, lalela, bewukahle kwaze kwaba kungesikhatsi sewutsi lihhashi lakho, lowake waligibela, lita libeke inhloko

yalo ehlombe lakho.” Watsi, “Akukho mahhashi eZulwini, Mnaketfu Branham. LiZulu lentelwa tidalwa letibantfu, hhayi emahhashi.” Yebo-ke, ngacabanga . . .

⁶⁸ Yebo-ke, ngalokuvamile, ubona nomangubani lonjalo, ufanele uchaze yonkhe intfo, batama nje kuhlabu lokutsite. Niyabona na? Awukwati kuchaza Nkulunkulu, empeleni. Umele kutsi uMkholve nje.

⁶⁹ Kodvwa kungahle kumdvudvute. Ngatsi, “Mnaketfu, angizange ngitsi bengiseZulwini. Embonweni, ngabuta Jesu, futsi batsi Usengetulu kwalapha. Ngangisesimeni lesifana nepharadesi. Kodvwa, kuze kukusite, liBhayibheli latsi, encwadzini yeSambulo, kutsi, ‘Jesu weta avela emaZulwini emazulu, agibele lihhashi lelimhlophe. Futsi onkhe emabandla aseZulwini bekaMlandzela, agibele emahhashi lamhlophe.’ Ngako kufanele kube khona lamanye etulu lapho emaZulwini elizulu.”

⁷⁰ Nkulunkulu ukhatsalele konkhe. Ukhatsalele tintfo letincane lotentako, noma tintfo letinkhulu lotentako. Ukhatsalele kutsi uwunakekela kanjani umhlambi wakho lomncane, noma wena mfo lomunye uwunakekela kanjani umhlambi wakho lomkhulu. Ukhatsalele.

⁷¹ Ngalesinye sikhatsi lesendlulile lodvumile, umnaketfu lokahle, sasisentasi e—e...sidweba endzaweni. Ngangingena, ngibuya emihlanganweni, futsi ngiphumulile. Sasikadze sidweba ngeminenkhe, futsi sabamba incumbi lenhle yetinhlanti. Futsi ngalobobusuksu sasigijimisa ludweba lwetfu lolunemahhuka lamanengi, futsi saphelelwa ngumsundvu. Sesihambile sikhatsi ntsambama, ngaphuma kuyobamba letinye tinhlanti ema-bluegill letincane, labafo labancanyanya. Atikwati... Leletinkhulu ungtatidla, kodvwa lena yinhlanti lencane yekwenta umsundvu wekudweba. Futsi ngaphonsa ludweba ekhatsi, lusinga lwekudweba, ngangitibamba, ngitifake ebhakedeni.

⁷² Futsi iNtfo letsite yangishaya, ngihleti etikwalesikebbe lesi. Lomfana lobekanguFakazi wakaJehova, futsi umnakabo bekasandza kusindziswa futsi wagcwaliswa ngaMoya loNgewe, futsi ngako bafana lababili bekanatsi. Futsi lapho ngisabamba letinhlanti leti, sonkhe, iNtfo letsite yangishaya. Ngase ngitsi, “Uyati, kutoba khona luvuko lwalenyi imphilo, njengesilwane lesincane.” Yebo-ke, silwane lesincane.

⁷³ Manje, linengi lenu liyakhumbula ngekuhamba ngaphambi kweLivi, lokwatsi, “Kuyoba nemfana lomncane lobekatobuya kulabafile, bekakadze ashaywe yimoto.” UMnaketfu Jack Moore unami kusihlw, lobekangale eFinland ngesikhatsi loko kwenteka. Niyabona na? Labanengi benu lapha bayangikhumbula ngikucoca ngalapha, niyabona, nganjelja kutsi nikubhale ebhukwini lenu. Caphelani.

⁷⁴ NeMnaketfu Wood wagucuka, uMnaketfu Banks Wood, lowo umfana wakhe lowaphiliswa, anavendle. Futsi wagucuka wase utsi kumnakabo, "Bukisia nje. Kukhona lokulungiselela kwenteka." Ngachubeka nje nekubamba tinhlanti, niyabona. Ngako-ke safaka lusinga lwetfu umsundvu ngenhlanti.

Ngalobo busuku asibambanga lutfo.

⁷⁵ Ngekusa lokulandzelako ngatsi, "Kwakukhona letinye, letimbadlwanyana, tinhlanti i-bluegill laphaya."

⁷⁶ Watsi, "Shano, empeleni, awushongo kutsi kutoba khona luhlobo lweluvuko lwekekuphila na?"

Ngatsi, "Yebo."

⁷⁷ Ngiyanjtjela, ngesikhatsi ngisuka ekhaya, beba... Intfombatane yami lencane... Sitsi nje kuba... Nine bantfu ningabanabo uma nibafuna, manje, niyabona, kodvwa ngiyamesaba kati. Futsi ngako-ke a-angiwutsandzi nje lowo muzwa wenkholo-ze loyitfola ngakuwo. Futsi ngako-ke site ngalapha endlini, futsi-futsi ngikholelwa kutsi kati uyacondza kutsi ngiyamesaba. Ngako, babe wami bekabesaba bokati. Ngako, khona-ke, emantfombatanyana ami ayati kutsi angabinabo bokati ngalapho. Futsi lelencane...

⁷⁸ Intfombatane yami lencane yahamba yehla ngendledlana nalenye intfombatanyana, futsi yabuya, konkhe kudzangala ebusweni, futsi yatsi, "Babe?"

Ngatsi, "Ufunani, s'thandwa?"

Yatsi, "Intfo lembi kabi yentiwe."

Ngatsi, "Kuyini?"

Yatsi, "Kube kuphela bewati nje!"

Ngatsi, "Yebo-ke, ngitjеле."

⁷⁹ Yatsi, "Lomunye umuntfu ulahle kati lomdzala tatane, entasi ngemzila lapha." Futsi yatsi, "Lentfo seyicishe ilungele kufa, ayikhoni nekuhamba." Futsi yatsi, "Babe, awunankinga uma besingamondla futsi simnakekele na?"

⁸⁰ Ngatsi, "Impela cha. Uma ufunu kumondla, caphela nje. Ungamvumeli akuhhwebhe." Ngatsi, "Ake ngimbone lokati."

⁸¹ Ngako lapho baletsa lokati lapho, ngattfola libhokisi, futsi, kusobala, ngekusa lokulandzelako sasesinaso sonkhe sicuku sabokati labancane.

⁸² Futsi-ke, ngako, lomfana wami lomncane-lomncane, ngesikhatsi ngisuka ngihamba, Joseph lomncane, bekawabukile. O, wacabanga kutsi bekabukeka kahle, niyati, acanca ndzawotonkhe, niyati. Futsi-futsi ngako wattfola linye ngesandla sakhe; walicindzetela walicinisa kakhudlwana, futsi waliwisela kukhonkholo. Lomfo lomncane ucala kutungeleta, atungeleta. Ngacabanga "O, hhe!"

⁸³ Futsi ngacobanga, “Yebo-ke, manje, loko kungahle kube ngulowo kati lomdzadlana, uma ngibuyela ekhaya.” Niyalukhumbula ludzaba lwenyamatane i-ophosamu. Ngacobanga, “Yebo-ke, kungahle kube ngulowo kati lomncane.” Ngako-ke sasihleti emuva esihosheni lesincane, sidweba, futsi sasibamba letinhlanti ema-bluegill letitsi kubatinkhudlwana ke, siphonsa leletincane emuva emantini.

⁸⁴ UMnaketfu Lyle, umnakabo Mnaketfu Banks, bekadweba ngendvuku yekudweba lenelusinga, lihhuka lelikhulu kakhulu, afake sicuku lesikhulu semisundvu. Wavumela leyonhlanti i-bluegill lendzadlana igwinye lelohhuka lize liyotsi ngcu esiswini sayo lesincane. Futsi ngesikhatsi ayidvonsa, watsi, “Manje, ngifisa kwangatsi bewungabuka *lapho*,” cishe nje budze lobungako. Futsi nje u...Akakhonanga kukhipha lihhuka, ngiyacabanga. Ayikho lenye indlela; kuvele uncamule lolusinga. Futsi bekafuna kugcina lihhuka lakhe. Ngako wavele wadvonsa tiphefumula-nhlanti, sisu nako konkhe, kwaphuma kuyo, *kanjalo*, wase uyiphonsa ngale emantini. Futsi ya—yabhakuta katsatfu noma kane futsi yalala lapho nje. Watsi, “Uzame libinta lekugcina, mfo lomncane.”

⁸⁵ Ngatsi, “Lyle, lapho icala kudlela...Tfola lihhuka lelincanyana kunalelo. Uma icala kudlela, tsatsa lendvuku yekudweba lelele lapha, futsi lapho nje icala kudlela, yibambe. Uyabona na? Ngaphambi kwekutsi ilifake futsi iligwinye, ilibambe emlonyeni wayo.” Ngatsi, “Lowo ngumdlalo wekutibamba.”

⁸⁶ “A,” watsi, “Ngitokwenta kudvonsa kabi,” futsi wachubeka nje. Futsi watama emahlandla lambalwa, futsi wageja cishe katsatfu noma kane. Wabeka intfo phansi, watsi, “Ngitoiyiekela nje iligwinye futsi.”

⁸⁷ Ngako lenhlanti lencane yantanta yatungeleta emantini lapho kwesikhashana, o, ngiyacabanga, imizuzu lengemashumi lamatsatfu. Nemagagasi acala kuphakama futsi angene.

⁸⁸ Ngatsi, “Yebo-ke, sitodzingeka sihambe madvutane impela nje. Sinelibhakede manje, ngako sitodzingeka sihambe.”

⁸⁹ Futsi ngasukuma, kuze ngiyiphonse ngiyibuyisele emuva etikwemacembe emnduze, ngiyidlukute. Kwakukhona letinye letinetisu letibovu emuva lapho. Ngako ngacala, ngikhipa u—u—umsundvu emacembeni, niyati, kusigucugucula etikwemacembe, futsi ngikudlukutisa kuhpume, njengoba nine bafo nebesifazane nati ngekudweba.

⁹⁰ Futsi ngesikhatsi sengicale kwenta loko, khona masinyane, Lokutsite kwefika kwehla ngakulawo magcuma, njengeMoya utfululeka. Futsi Wahamba etikwami. Ngawisa indvuku, ngase ngiyasukuma esikebheni. Ngase ngiyacalata. Ngeva liPhimbo litsi, “Uyayibona leyonhlanti lencane na?” Futsi nayo lapho yayikhona, ilele lapho.

⁹¹ Ngatsi, “Uyayibona lenhlanti lencane na?” njengoba Bekakushito nje. Lapho tigwedlo tayo letincane tatigogekile, futsi yayi, ilele etikwemanti ihhafu yeli-awa. Futsi leliBhayibheli libekwe livulekile manje. Niyabona na?

Futsi Watsi, “Khulumma nayo, futsi uyibuyisele kuphila kwayo.”

⁹² Futsi ngatsi, “Nhlanti lencane, eGameni leNkhosi Jesu, ngikubuyisela kuphila kwakho.”

⁹³ Futsi lawomadvodza emile, abukisia. Leyo nhlanti lencane yagucuka ngemhlane wayo, futsi yaya phansi emantini. Bacishe baculeka. Lyle wageza buso bakhe emantini. Watsi, “Ngitovuka emvakwesikhashana.” Watsi, “Ngi—ngiyati kutsi ngiyaphupha.”

Ngatsi, “Awuphuphi.”

⁹⁴ Futsi ngesikhatsi lesifanako ngco, ngiyacabanga ngibenako, eluhlwini lwemkhuleko, emashumi lamatsatfu noma bantfwana labangemashumi lamane labakhubatekile. Nekutsi Nkulunkulu bekangatungeleta kanjani, kulabo bantfwana labakhubatekile, futsi avuse leyo nhlanti lencane, kuvele kuhombise kutsi Ukhatsalele yonkhe intfo.

⁹⁵ Kungani Bekasebentisa emandla aKhe kucalekisa umkhiwa, lapho kwakukhona tinkhulungwane talabanebulephelo eveni na? Futsi Wabendlula labo labanebulephelo futsi bayo ngale futsi wacalekisa umkhiwa. Futsi watsi, “Akekho lodla kuwe,” nemkhiwa wabuna. Wasebentisa emandla aKhe, akhombisa kutsi Ukhatsalele tihlahla. Ukhatsalele inhlanti.

⁹⁶ Ukhatsalele wena. Ukhatsalele mine. Futsi Ukhatsalele kubona Livi laKhe libonakalisiwe, futsi Utsembele kitsi kutsi sikwente, ngoba sititfunywa taKhe. Akukho lutfo kitsi. NguYe; sitinikela tsine lucobo futsi sihamba naYe.

⁹⁷ Ngabona umbono ngaloko kusa. Ngabona silwane lesikhulu silele eluhlangotsini lweligmuma. O, sasinetimphondvo letimbili letinkhulukati. Ngangiseluhambeni lwekutingela kulombono, cishe ngeli-awa lelishumi noma lelishumi nakunye nco emini. Futsi nganyenyela ngale futsi ngadubula lesilwane.

⁹⁸ Kwase kutsi-ke endleleni lebuyako, lelikhulukati, libhele lelikhulu lelimphunga liphakame libhekane nami, futsi ngalidubula.

⁹⁹ Futsi-ke ngababona batsatsa timphondvo, futsi sandla lesincane safinyelela futsi sabamba timphondvo, sabeka itheyiphu kulo. Lalingangema-intji langemashumi lamane nakubili, kusuka etulu kwebloki kuya etikweluphondvo, emaintji langemashumi lamane nakubili kuphakama. Angikaze ngibone noma ngusiphi silwane lesinjengaso, emanyevo lamakhulu kakhulu etimphondvweni taso. Futsi, noko, sasibukeka njengendluzele, kodvwa kuyi, o, hhe, senta letimbili

noma letintsatfu tindluzele. Angikaze ngiyibone intfo lefana nasa.

¹⁰⁰ “Yebo-ke,” ngatsi, “mhlawumbe kutokwenteka ngalelinye lilanga. Ngitokubhala phansi nje.”

¹⁰¹ Ngehlela eKentucky nemngani wami, futsi uMnaketfu Miner Arganbright wangibita, watsi, “Mnaketfu Branham, ngabe umatasatasa yini?”

¹⁰² Ngatsi, “Hhayi kakhulu.” Ngatsi, “Bengikuyami... Nginemaviki lamabili manje. Ngiseholdini lelincane.”

¹⁰³ Watsi, “Gijimela enhla eCanada, e-Alaska, kanye nami. Sifuna kuhlela umkhandlu wemaDvodza labosomaBhizinisi e-Anchorage futsi nangale eFairbanks.”

Ngatsi, “Kuvakala kulungile, uma ngingatfola sikhatsi sekukwenta.”

¹⁰⁴ Watsi, “Yebo-ke, Mnaketfu Branham, uma utokwenta, ngikutjela kutsini, sitokuniketa kutingela lokuhle libhele lelimphunga.”

¹⁰⁵ Ngacabanga, “O, loko kuvakala kahle.” Ngacabanga, “O, o, nango ke lombono. Niyabona, nguloko-ke.”

¹⁰⁶ “Kutingela lokuhle libhele lelimphunga,” ngatsi, “loko kuvakala kukuhle. Angikuhambeli loko. Kodvwa, sisesetulu lapho, futsi labanye bogadzi bafuna kungivakashisa, mahhala, ngingajabula kuhamba.”

Ngako, watsi, “Yebo-ke, bona, batokwenta. Sinako kulungisiwe.”

Ngatsi, “Yebo-ke, manje lindza. Ake ngikukhulekele.”

¹⁰⁷ Futsi ngenyukela emahlatsini ngalolosuku, futsi sonkhe sikhatsi nangikhuleka, kungesikhatsi ngikhwesha kakhulu, sonkhe sikhatsi, ngakhwesha ngalokugcwele kuko. Ngacabanga, “Loko akukejwayeleki.” Futsi tinsuku letimbili emvakwaloko, ngashayela uMnaketfu Arganbright. Ngatsi, “Cha.”

¹⁰⁸ Watsi, “Mnaketfu Branham, sihlela tintfo nje.”

¹⁰⁹ Ngatsi, “Ungakwenti. Moya loyiNgcwele ukwalile.” Futsi ngamcocela ngalombono. Ngatsi, “A–angati, Mnaketfu Arganbright, kodvwa akukejwayeleki. Kodvwa Akafunanga kungivumela ngikhuphukele lapho, futsi, lite, kuvakala kwangatsi loko—loko bekuyoba ngulendzawo.”

Futsi watsi, “Yebo-ke, manje, sonkhe silungele kuhamba.” Futsi ngatsi... .

¹¹⁰ Manje, labanengi benu batombona uMnaketfu Arganbright. Uta lapha manje, kulungela nami, kuya ngesheya kwetilwandle emvakwalomhlangano lona. Futsi ngako ningambuta lendzaba. Ngako satsi... .

Ngatsi, “Cha. Angeke ngikhone nje kukwenta. Moya loyiNgewelete ungitjela kutsi ngingakwenti.”

¹¹¹ Kuncono kulalela, kungakhatsaleki kutsi kungakanani, kubukeka kukuhle kanjani. Ngitoshumayela ngentfo letsite lefana naleyo kusasa ebusuku, iNkhosi itsandza. Ngako manje, khumbulani, kungakhatsaleki kutsi kubukeka kukuhle kanjani, uma Nkulunkulu angekho kuko, khwesha kuko. Kungakhatsaleki kutsi kubukeka kukhanga kanjani, khwesha kuko. Kunemphumelelo kanjani, khwesha kuko uma Nkulunkulu angekho kuko. Khwesha kuko. Manje sitokhulumangaloko kusasa ebusuku, iNkhosi itsandza.

¹¹² Manje, khona-ke ngesikhatsi sengiye ekhaya, Billy watsi kimi, indvodzana yami, watsi, “Babe, uyamati lowo mtingeli lowaya kuyotingela naye ngentfwasahlobo leyendlulile enhla lapho, ligama lakhe unguSouthwick?”

¹¹³ “O,” ngatsi, “etikwe...ekhatsi e...ngentasi kweYukon lapho na?”

Watsi, “Yebo.”

Watsi, “Unencwadzi lapha ya—yakho.”

¹¹⁴ Yena nguMnaketfu Eddie Byskal, loyinhloko ye—yenhangano yebafundisi balelolive lasenyakatfo-nshonalanga etulu ekhatsi lapho, umfana lokahle kakhulu, mhlawumbelapha kulo mhlangano. Uhlela kuta ngalapha kulesikhatsi lesi. Umfana lomncane lokahle, futsi unemndeni lomuhle. Usi—usitfunywa senkholo enhla lapho manje kumaCree, emaNdiya langemaCree. Futsi nganginaye nje ekwindla lelendlulile. Futsi... Noma, lihlobo lelendlulile, njalo.

¹¹⁵ Khona-ke yena, Eddie, bekafuna kungiyisa ngale kuBud, lokwakungulomunye walabaphendvukela kuKhristu bakhe. Umkakhe bekaliPhentekhostali lelishisako. Bud bekangumfuyi lomkhulu, futsi usandza kungena nje. Kodvwa wabelwe, lapho bacasha khona emaNdiya futsi bawabeka esabelweni, umhlaba lomkhulu wekutingela. Cishe sitfupha...O, ngicabanga kutsi watfola cishe sikwele lesingemakhilomitha langemakhulu lasiphohlongo, noma ngetulu, kukhona ngakhona lapho, kwemhlaba labelwe wona nguhulumende waseCanada.

¹¹⁶ Yebo-ke, leyo ntfwasahlobo, ngesikhatsi ngisenhla lapho, sahamba sittingela emabhele emvakwemhlangano, kodywa lapho si...ngeNkhwekhweti, kodywa siphepho lesinelichwa seta futsi sasivalela ngephandle. Cishe sasine...Bekangakaze eve nganoma yini mayelana nemihlangano, futsi Eddie bekasolo atfululela kuye ngemihlangano.

¹¹⁷ Futsi watsi, “Awukacondzi kungitjela kutsi, namuhla, kutsi Nkulunkulu Uyatibonakalisa, futsi ukhombisa tintfo letitako ngaphambi kwekutsi kwentekena?”

Eddie watsi, “Kunjalo impela.”

¹¹⁸ Ngako bekasolo akhuluma nami. Watsi, “Uyati, nginemnaketfu lonesitfutfwane.” Watsi, “Uma nje ungafinyelela kulowo mnaketfu!” Watsi, “Ngiyakholwa, uma ngingake ngimletse kuleminye yemihlangano yakho, ngikholwa kutsi bekayophiliswa.” Ngatsi...Watsi, “Bekanaso yonkhe imphilo yakhe.”

Ngatsi, “Mhlawumbe kunjalo.”

¹¹⁹ Yebo-ke, akubi mnyama enhla lapho ngaleso sikhatsi semnyaka, niyati. Lilanga liyashona nje, futsi litfole... O, ungakhona, noma nini, ekhatsi nebusuku, ngensimbi yekucala nco, ungasukuma nje futsi ufundze liphephandzaba, nanoma yini, niyabona. Futsi cishe—cishe incenye yekugcina yeNkhwekhweti lilanga alishoni. Lifaka sihloko kancane nje, licishe lishone, cishe imizuzu lelishumi, futsi liyabuya. Ngako-ke silala phansi nomanini uma sesidziniwe.

¹²⁰ Futsi khona-ke emgwacweni lophumako, sahlangana nesicuku semaNdiya. Futsi, o, ngitfole sikhulu lesidzala emuva lapho. Bamvumela kutsi ahiale lapho ngoba bekanebantfwana lababili. Bangcwaba bantfwana babo esigodvweni, labatsandzekako babo. Lolunye luhlobo lwenkholo. Futsi babalengisa esihlahleni, ngako nje bavumela lowo mndeni kutsi uhiale lapho. Umfo lomdzala lokahle, losendlulile eminyakeni lengemashumi layimfica budzala, ahleti etulu ehhashini lakhe leligitjelwako kahle kakhulu njengalomunye webafana bakhe.

¹²¹ Futsi ngako-ke sahamba ngelusuku lolulandzelako. Watsi, “Kute indlela leyewelako manje. Khuphukelani ngale kwetintsaba nangalendlela.” O, kwakungulamany emakhilomitha lalikhulu nemashumi lasitfupha, kweca umkhondvovane. Ngako, asikhonanga kwenta loko. Kwase kwephutekile kakhulu. Sacala kubuyela emuva.

¹²² Futsi emgwacweni lobuyel’emuva, Bud uneluchungechunge lwemahhashi lasemancane, futsi lamanye awo ehlela phansi echaphotini netintfo. Futsi ngangihamba ngakhona lapho, ngikhuluma, futsi, Eddie nami. Futsi Bud bekagibele lihhashi leliholako, atama kuphuma. Sasinenhloko lengemashumi lamabili nakunye. Futsi nganginentsambo kulelinye, ngalikhapha. Futsi ngekushesha nje lapho aphuma, khona-ke lihhashi lami leligitjelwako langena. Futsi naku la ngangikhona, ngiphuma laphaya. Futsi ngangineludzaka nakokonkhe... Emizuzwini lembalwa, ngasukuma ehhashini lami, futsi ngasula ludzaka etimpahahleni tami tekugcoka, *kanjalo*, ngasuka.

¹²³ Futsi ngco embikwami, ngesheya kwalelo gcuma lapho, kuta insizwa. Ngayibuka. Ngabuyela esihlalweni sami selihhashi ngase ngimisa lihhashi lami. Futsi ngayibona iwa ngenza yekudlimuleka, iphindza phindza, futsi ikhihlita emagwebu, futsi yabanenkhani mbamba, futsi nje idzabula yonkh’intfo.

Yabese iyathula ke. Ngabona insimbi yemlilo yekuhlanganisa umlilo lendzala. Ngabona lihembe layo livutsa.

¹²⁴ Eddie bekangembili kwami cishe incenye lengangelibhilidi lasedolobheni, atama kutfola lelinye lihhashi. Lelihhashi leliselincane ligijima liphuma emkhondvovaneni, lifinylela ngale ekhatsi lapho, lidvonsa imitfwalo kuye, likobha. Ngako-ke ngigijimela enhla lapho ku-Eddie. Sathulisa lelihhashi. Ngatsi, “Eddie, ngina ISHO KANJE INKHOSI waBud.”

Watsi, “Mnaketfu Branham, kwentekeni?”

Ngatsi, “Umbono. Ngibone umnakabo.”

Watsi, “O, mtfole.”

¹²⁵ Ngatsi, “Bamba ubuyisele emahhashi emuva. Ngitochuba lami futsi ngiye embili, ngigijime ngijubele lamahhashi, ngibone uma ngingawatfola futsi ngiwabambe eyame eceleni kweligcuma.”

¹²⁶ Ngigijima ngaseweni, *kanjena*, nelami lihha...ehhashini lami. Ngalifuca lakhuphuka, ngase ngenyukela lapho. Ngase ngibeka sandla sami etikwesihlalo selihhashi. Ngatsi, “Bud?”

Watsi, “Yebo, Mnaketfu Branham.”

¹²⁷ Ngatsi, “Ngifuna kukutjela lokutsite. Umnakenu...” futsi ngamchaza.

Watsi, “Yebo. Utjelwe ngubani?”

Ngatsi, “Kute muntfu. INkhosi isandza kungikhombisa yena nje.”

Ngatsi, “Utongikholwa njengenceku yaKhe na?”

Watsi, “Impela, Mnaketfu Branham.”

¹²⁸ Ngatsi, “Tfumela entasi,” cishe-cishe emakhilomitha layinkhulungwane nemakhulu lamatsatfu emuva emphucukweni, “tfola umnakenu kutsi ete lapha. Futsi kwekucala uwela kulokunye kwaloko kudlimuleka...” Ngatsi, “Ube naloku kusukela cishe aseneminyaka lemibili budzala. Ungahle ungakukholwa, kodvwa kulufuto. Mkhulu wakho bekanako.”

Watsi, “Manje, lelo liciniso. Kunjalo.”

¹²⁹ Ngatsi, “Manje, ngesikhatsi lomfana analokudlimuleka, uhlutfule ususe lelihembe emhlane wakhe bese uliphonsa emlilweni, bese utsi, ‘Loku ngikwenta eGameni laJesu Khristu, ngekweLivi laKhe.’ Ngeke abe nalokunye, kuperha nje uma atokukholwa.”

¹³⁰ Wavele waphakamisa tandla takhe, wacala kukhala kakhulu. Watsi, “Angikaze ngikubone kwentiwa, kodvwa ngalokucinisekile ungitjelile nje kutsi umnaketfu bekabukeka kanjani, futsi wangitjela liciniso ngamkhulu wami.”

Ngatsi, “Kunjalo.”

¹³¹ Emvakwekuba sesihambile, watfumela futsi walanda umnakabo. Futsi bekaphuma kuyovula umkhondvovane ngaloko kusa, ngesikhatsi eta akhuphukela ngasebhasini (akhuphuka, wendlula kabilo noma katsatfu ngeliviki, ehla enyuka emgwacweni lomkhulu wase-Alaska), uta ngalapha e...

¹³² Futsi umka Bud, Lila, uyintfo lencanyana nje, wesifazane lomncane, lotsi kuba mkhulu njengesigadla sensipho lesele emvakwekuba iwashingi yemndeni seyentiwe ngaso. Lomncane nje... Unebantswana labasihlanu, newesifazane lomncane lonemoya lomuhle.

¹³³ Futsi ngako Bud waphuma kuyolungisa emahhashi akhe, ngoba utojuba ngakulomkhondvovane, kuze sikhone kubuyela kuloko nebattingeli bakhe.

¹³⁴ Futsi watsi nje lapho sekahambile, yebo-ke, umnakabo ekhatsi lapho, angakatikhumuli nje timphahla takhe tekugcoka letinhle, wawa wadlimuleka. Futsi bebakhempe enkopolo yemasotja lendzala, lapho emaMerica, ngesikhatsi akha umgwaco lomkhulu, bekanayo lapho. Futsi ngesikhatsi... Bebanensimbi yemlilo yekuhlanganisa umlilo lenkhulu lendzala njengesitofu. Futsi Lila lomncane... Waba—waba nemawala nematata ngesikhatsi atfola leyo loko kuhlasewa. Futsi bekamesaba imphosakufa, futsi bekasula lifasitelo, *intfo letsite noma lenye*, isuke endleleni. Kodvwa wacala kugcuma aphume, futsi wacabanga ngaloko lokwakushitiwo. Bekakadze akulomuny wemihlangano, entasi eDawson Creek.

¹³⁵ Uphutfuma ngaleya futsi ucamatatel a lomfo lomkhulu, wadlutfula lelo hembe lisuke emhlane wakhe, akhala, emakinobho nako konkhe, lihembe lakhe lelimhlophe, wahamba waya ngale esitofini, wase utsi, “Loku ngikwenta eGameni leNkhosi Jesu, ngekweLivi leNkhosi lesitjelwe lona.” Futsi akaze aphindze abe ngisho nakunye kusukela ngalesosikhatsi. Loko kwakucatulula.

¹³⁶ Ungiftumele kutsi ngite, kutingela mahhala. Futsi ngihlale ngibuke leto tintfo tamahhala, niyati. Ngako ngacabanga... “Yebo-ke,” ngatsi, “Ngitohamba. Ngitobona uma iNkhosi ingivumela ngihambe.” Ngakhuleka. Futsi kungesiko ngetulu nje kwekukhuleka, yonkhe intfo ihamba ngeo ngaleyondlela.

¹³⁷ Ngatsatsa uMnaketfu Fred Sothmann. Ulapha ndzawanatsite lamhlanganweni. Ukuphi, Fred? Nakuya. Ya. Unguelinye lemagonsa elibandla letfu. UMnaketfu Fred uyati kutsi loku kwashiwo tinyanga letintsatfu ngaphambi kwekutsi kwenteke. Ngabe kunjalo, Mnaketfu Fred? Futsi, ngiyacabanga, uMnaketfu Simpson. Bangakhi la kulesakhiwo kusihlwa lowatiko kutsi, ngaphambi kwekutsi kwenteke, kwashiwo na? Phakamisani tandla tenu. Nako laph’ukhona. Futsi kwashiwo

embikwelibandla, kona kanye nje lokwakuyokwenteka. Yeboke, angizange ngati kutsi kungabangulesikhatsi lesi.

¹³⁸ Ngako ngenyukela e—emgwacweni lomkhulu wase-Alaska, futsi uMnaketfu Fred wema kukwemngani, kutsi ayotingela inyamatane lenetimphondvo letisamagala. Kukhashane kakhulu emuva lapho enyamatane ni lenetimphondvo letisamagala. Ngako sisetulu eveni letimvu, lapho sasiya khona. Futsi ngako-ke si...Ngatsatsa lu—lucetu lwe—lweshokhi noma ligadze, futsi ngadyweba efasitelweni langembili lemotweni. Ngatsi, “Manje, Mnaketfu Fred, ngako-ke uma lesi kungiso lesikhatsi, utokhumbula kahle impela lokutoba ngiko.” Futsi uyakukhumbula.

¹³⁹ Ngachubeka ngenyuka. Ngalobo busuku lapho sesingene enkanjini, Bud watsi, “Mnaketfu Branham!” Wangigaca futsi wagcuma waya phansi nasetulu, akhulumu ngetilimi futsi ampongolota, niyati. Watsi...Futsi loko, likhawa lelidzala lelimahhadlahhadla, nalo. Futsi u—udvumisa Nkulunkulu nje. Watsi, “Uyati kutsini, Mnaketfu Branham? Umnaketfu akakaze abe nekudlimuleka kusukela ngaleso sikhatsi kuchubeke. Uphila saka futsi ukahle, emnyakeni lophelile.”

¹⁴⁰ Ngatsi, “Kuphela nje uma atokukholwa, kutochubeka ngaleyondlela.” Futsi ngatsi, “Manje mtjele kutsi anikele imphilo yakhe kuKhristu, futsi akhonte Yena tonkhe tinsuku tekuphila kwakhe. ‘Hamba ungabe usona, noma lokubi kakhulu kutokuta etikwakhe.’ Niyabona na?” Ngatsi, “Mtjele ente loko manje.”

¹⁴¹ Ngako ngatsi, “Nginalomunye umbono,” futsi ngamtjela ngalombono. Ngatsi, “Manje, kwakukhona bafo labatsite labancane bakanye nami. Besiseluhambeni lwekutingela. Bebangemadvodza lamancane. Futsi lenye yawo yayinalokuluhlata, igcoke lihembe lelisikoshi.”

¹⁴² Futsi watsi, “Yebo-ke,” watsi, “Mnaketfu Branham,” watsi, “Anginalo leliluhlata, lihembe lelisikoshi.” Umfana wakhe, Blaine, iminyaka lelishumi nesiphohlongo, watsi akanalo lihembe leliluhlata lelisikoshi.

¹⁴³ Eddie Byskal, lomunye umfo lomncanyanyana, losindza cishe emakhilogrammu langemashumi lasihlanu, watsi, “Nami ngite futsi, Mnaketfu Branham.”

Ngatsi, “Yebo-ke,” ngatsi, “manje, lesilwane...”

Watsi, “Bekuluhlobo luni lwesilwane na?”

Ngatsi, “Kwakubonakala njengendluzele.”

¹⁴⁴ Watsi, “Kute indluzele etulu lapha. Loku kuphakeme kakhulu.” Watsi, “Mhlawumbe kwakuyindluzele ikhariibhu.”

Ngatsi, “Indluzele ikhariibhu inetimphondvo letimagala.”

Watsi, “Kunjalo.”

Ngatsi, "Lena beyinemanyeva."

¹⁴⁵ Watsi, "Yebo-ke, Mnaketfu Branham," watsi, "siya eveni letimvu, hhayi live letindluzele noma yini lenjalo."

¹⁴⁶ Ngatsi, "Yebo-ke, mhlawumbe ngulolunye luhambo. UMnaketfu Arganbright... Kungahle kube bekuse-Alaska ndzawanatsite," ngatsi, "ngoba kwakungulelikhulukati, libhele lelikhulu lelimphunga."

Watsi, "Hlobo luni lwelibhele lelimphunga na?"

Ngatsi, "Libhele lelimphunga." Lelo ngulelidvume kakhulu kuwo onkhe.

¹⁴⁷ Watsi, "Ngingumholi. Ngibe kulamahlatsi lapha yonkhe imphilo yami. Angikaze ngibone libhele lelimphunga." Watsi, "Ngibone libhele lelimphunga lelejwayelekile lelidzala. Kodvwa," watsi, "Angikaze ngilbone libhele lelimphunga, angikaze ngibone ngisho linye emphilweni yami."

¹⁴⁸ Ngatsi, "Yebo-ke, akhona, linye ndzawanatsite, futsi ngitolitfola."

Watsi, "Ngitotsi lelo liciniso." Watsi, "Ngitosho loko."

¹⁴⁹ Sesuka sahamba, tinsuku letintsatfu kamuva. Senta luhlaka lwenkambu, etulu ngenhla kwelilayini lettingondvo.

¹⁵⁰ Futsi Nkulunkulu ngisite, uma bahlala ngaleyondlela kuze kufike sikhatsi seMinyaka leyinkhulungwane, ngivumele niglihale lapho ngesikhatsi seMinyaka leyinkhulungwane. Ngiyatsandza nje kutihlambulula kuleyomvelo lapho. O! Noma ngubani lobekangeke ambone Nkulunkulu lapho, u—uyimphumphutse, sihhulu, nesimungulu. Kubona Yena nje atibonakalisa Yena lucobo kuleto letinkhulu, tintsaba letinkhulukati! O, hhe! Kujula kubitana nekujula, khona-ke, futsi etulu lapho nje nginesikhatsi lesikhatimulako.

¹⁵¹ Ngako senyukela entsabeni yinye. Umele nje uhambe ucondze nje, kanjalo, kutsi uyikhuphuke. O, akunasihlahla semapulango, tjani lobuyi mvukumvuku bendluzela iksaribhu ngiko kuphela lokubonako. Sibone cishe lettingemashumi lamatsatfu noma inhloko lengemashumi lamane etimvu. Yayingekho lenkhulu ngalokwenele kutsi siyitsatse. Kwakungemarawondi labohhavu lamancane nje, kanye nemakota lamatsatfu emarawondi. Nga—ngangifuna yinye lenkhulu ngalokwenele kutsi ngiphume nayo, ngako ngiya emuva kakhulu kangako. Ngako tsine... Ngabuyela entasi.

¹⁵² Futsi ngelusuku lolulandzelako sacala ngesheya, futsi Eddie wagcumukela emantini ngesikhatsi acala kugcumela ngesheya, afake lipheya lelikhulu leticatfulo.

¹⁵³ Akhuphuka eluhlangotsini lwentsaba, Bud wema futsi watsi, "Awunginike tibuko takho, Billy." Ngimnika tibuko.

¹⁵⁴ Sasihamba incenye nje, futsi sikhulume ngeNkhosi, futsi simemete, futsi sigijime sehla senyuka eluhlangotsini lweligcuma, sinesikhatsi nje lesikhhatimulako. Kuhle kuhamba, luhambo lwekutingela, uma uhamba nebazalwane.

¹⁵⁵ Futsi ngako watsatsa tibuko tami. Watsi, “Mnaketfu Branham, naso sihhanca sakho. Kunaletitsi atibe siphohlongo tato tilele cishe emakhilomitha layimfica, khona lapho etulu kuleso lesinye sicongo. Tibuke. Uyatibona ndzawonye na?”

Ngatsatsa. Ngatsi, “Ngitawutsi, nato lapho tikhona, nciamashi.”

¹⁵⁶ Watsi, “Yebo-ke, sesingavele sibuyele entasi, sicale ekuseni cishe ngeli-awa lesitsatfu nco.” Watsi, “Besifanele sibesetulu lapho ngensimbi yemfica, noma kusukela ngeyelishumi. Tihhanca letindzala titobe tilele phansi. Loko kutoba sikhatsi nje.”

Ngatsi, “Tiyini leto letinye tintfo letihamba ngalapho na?”

¹⁵⁷ Watsi, “Leyo yindluzele ikharibhu.” Ngatsi...Ngako, emakhilomitha layimfica khashane, niyati, kulukhuni kusho kutsi tibukeka kanjani.

¹⁵⁸ Futsi-ke, kusukela ngalesosikhatsi kuchubeke, emakhilomitha langemakhulu layimfica nemashumi lasitfupha, indlela ligwababa lelindiza ngayo, akukho ngisho indlela noma umkhondvovane. Futsi uma ushaya iWest Coast, uhamba cishe emakhilomitha layinkhulungwane nemakhulu lamatsatfu kuya eVancouver, kute ngisho licashata lemprucuko. Futsi imphrucuko lelandzelako, uhamba ngalendlela, yi-Anchorage, cishe emakhilomitha layinkhulungwane nelikhulu noma layinkhulungwane nemakhulu lamatsatfu. Ubuyela emuva ngalendlela, ugijimela edolobheni lelincane, i-Yellow Knife, lapho utfola khona umkhumbi ekhatsi lapho kanye ngemnyaka wema-Eskimo. Futsi, lokulandzelako, ushaya iRussia. Ngako-ke, utibambe wena lucobo. Ngulapho-ke la Nkulunkulu angatfola kuphumula kwaKhe khona, etulu lapho, kuto tonkhe tinkinga tetfu netivivinyo lesiMfaka kuko. Ngako ngiyatsandza kukhuphukela lapho futsi ngikhulume naYe uma Aphumulile, niyabona, ngako-ke lapho njengoba bekunjalo itolo ebusuku e-emkhunjini.

¹⁵⁹ Ngako ngesikhatsi sibuyela emuva entasi, futsi ngekusa lokulandzelako sacala kusesekuseni. Ngale cishe ngeli-awa lesiphohlongo nco, sasibhule umena nayoyonkhe intfo, saze safinyelela esicongweni seligcuma. Futsi emgwacweni lowenyukako, naku kuhamba indluzele ikharibhu lendzala lensikati, nenkunzi lenkhulu kahle. Yahamba, yacala yenyuka ligcuma, netimphondvo letinkhulu lettingemagala kuyo. Futsi ngatsi, “Yebo-ke, futsi ngako nayo ke indluzele ikharibhu yekucala lengike ngayibona emahlatsini, endle. Angikaze ngiphakame kakhulu kangaka phambilini.”

Watsi, "Ya. Leyo yindluzele ikharibhu."

¹⁶⁰ Ngako sachubeka senyuka ligeuma futsi sabuka. Timvu tatingekho lapho. Ngako mine naBud ngahambahamba. Futsi Eddie wacala kushelela lapho, futsi Blaine, umfana wakhe, abuka afuna ndzawo tonkhe tinyamatane.

¹⁶¹ Futsi sahamba ngalapha, futsi, o, hhe, ngavele ngamemeta nje, "Ludvumo kuNkulunkulu!" Ngabuka phansi lapho, futsi kwakunaletotintsaba letinkhulu letinelichwa eticongweni tato; tjani lobuyimvukumvuku bendluzele ikharibhu lemtfubi ngaphansi kwelichwa. Futsi nje ngaphansi kwaloko ita esihlahleni lesihlala siluhlata, lokwakusihlahla sesipheshula iphigimi. Futsi ngachubeka kancane ngewuka, kwakukhonha sihlahlala iback brush, lesibovu. Kuchubeka kancane kuloko, kwakusihlahla iquaking aspen, lesimtfubi. Konkhe kubonakala ehibini entasi ngaphansi kwaso. O, hhe!

¹⁶² Mine naBud sagacana nje, futsi nje sadansa umdanso wekugecumagcuma lomncane ngalapho, siklabalaza nje nekumemeta, futsi sidvumisa Nkulunkulu. Futsi sahlala phansi sigacene, futsi nje sadvumisa Nkulunkulu. Futsi saba nesikhatsi lesimangalisako, ngiyacabanga, cishe ema-awa lamabili.

¹⁶³ Futsi ngatsi, "Awusho, ngiyatibuta kutsi kwentekani nga-Eddie na?" Sasimbita nga "Dude." Ngako, sabuyela emuva. Sacala sancamula ligcuma. Ngatsi, "Bekangeke alahleke lapha."

¹⁶⁴ Futsi watsi, "Cha. Blaine ungemuva ngaleywa ndzawanatsite, futsi uliNdiya."

¹⁶⁵ Ngako sacalata, futsi ngabona ikhamera yabhasikobho ilele lapho. Ngatsi, "Leyo beyiya-Eddie." Ngabuka emuva entasi egcumeni. Futsi ngewela ngalendlela, futsi wahamba ngalenye indlela.

¹⁶⁶ Futsi Eddie bekahamba atsi, "Sh-sh-sh-sh." Bekanyenyela leyo lencane, indluzele ikharibhu leyinkunzi. Futsi bekatojitsatsa abuye nayo emuva entasi, ondle bangani bakhe labangemaNdiya lebekasitfunywa senkholo kubo. Ngako, wadubula indluzele ikharibhu. Saphuma futsi sayhlanta.

¹⁶⁷ Siyabuya, kungale cishe ngensimbi yekucala nco. Satfola emahhashi etfu lagitjelwako futsi, cishe incenye yelikhilomitha, kusuka lapho bebeme khona. Futsi sasime lapho. Watsi, "Mnaketfu Branham, uyatsandza kuhamba ngetinyawo na?"

Ngatsi, "Impela ngiyatsandza."

¹⁶⁸ Watsi, "Uma sicanca lentsaba... Letotihanca tihambe tancamula *ngalendlela*, futsi tehlela tangena kulowo lomunye umgodzi lapho, mhlawumbe. Uma tingangenanga, tibuye *ngalena* lenye indlela." Watsi, "Ake siyekele Eddie nabo babuye emuva, futsi bahambe bendlule kulomsaho entasi *lapha*, futsi batsatse lihhashi lami leligitjelwako nelihhashi lakho leligitjelwako, futsi betfwale lendluzele ikharibhu baye

enkambu. Futsi sitohamba senyuke sendlule lapha futsi sifike kuleyondzawo. Futsi sifanele singene cishe ngensimbi yelishumi noma ngensimbi yelishumi nakunye nco kusihlwa.”

Ngatsi, “Kulungile. Sitokwenta.”

¹⁶⁹ Ngako, sasime lapho. Sidla nje sikotela setimfishi emasadini, lucetu, ngamunye wetfu. Futsi safihla ngaphansi kwetjani lobuyimvukumvuku, letimfishi emasadini. Futsi sinkhwa setfu, sasisifake ehembeni letfu, futsi safoma saze sonkhe saba nje sigadla sinye lesikhulu. Kodvwa kwakumnandzi, uma ulambile. Futsi kulungile. Ngako, sema lapho.

¹⁷⁰ Futsi ngangicalata nje. Futsi ngabuka ngetibuko. Ngatsi, “Bud, buka lapha. Yini leya ngesheya lapho na?”

¹⁷¹ Cishe kukhwesha ngemakhilomitha lasihlanu, nako kulele leyondluzele ikharibhu. Futsi yayingulengakavami. Kwakungesito timphondvo letingemagala; kwakutimphondvo letimanyeva lamakhulu. Ngatsi, “Uyakhumbula na? Buka lapha. Nayo lemboniso, nciamashi nje. Futsi nako kulele leso silwane, ngendlela nje.” Ngatsi, “Kukhona intfo yinye kuphela nje levimbela lombono, ngumuntfu lotsite lonaleliluhlata, lihembe lelisikoshi.” Futsi nako kume Eddie analeriluhlata, agcoke lihembe lelisikoshi. Ngatsi, “Bengicabanga kutsi awunalo.”

¹⁷² Watsi, “Umkami angahle kube ufake lelo esikhwameni. Ngesikhatsi ngigcumukela emantini, itolo, kudzingeke ngintjintje emahembe.” Watsi, “Bengingati kutsi ulifake ekhatsi lapho, Mnaketfu Branham. Ngiyacolisa kutsi ngikutjele lokuliphtsa.”

Ngatsi, “Bewudzingeka ukwente loko nje, ndvodzana.”

¹⁷³ O, Bud wacala kumemeta. Watsi, “Awukwati kuma khona lapha futsi uyidubule, emakhilomitha lasihlanu bucalu. Ungeke wakwenta, Mnaketfu Branham?”

Ngatsi, “Ngekusho kwalombono, bengikuyo ngco.”

¹⁷⁴ Watsi, “Mnaketfu Branham, ngiyakutjela, utofinyelela kanjani laphaya na?”

Ngatsi, “Angati, kodvwa ngitofinyelela lapho.”

Ngako watsi, “Utokwenta kanjani na?”

Ngatsi, “Ngitogega lemboniso.”

¹⁷⁵ Watsi, “Lelo litje lelikhumutelako.” Futsi ngi... Watsi, “Uma ushelela, utoba cishe nemathani layinkhulungwane elichwa etikwakho, cishe emzuzwaneni nje.”

¹⁷⁶ Futsi ngatsi, “INkhosi itokunakekela loko. Nguleyo indlela lengahamba ngayo, embonweni, ngco ngalapha.”

Watsi, “Yebo-ke, ngitokulandzela.” Nangu eta.

¹⁷⁷ Futsi labafana laba batsi, “Sitohlala lapha manje site sikubone utfola lendluzele ikharibhu,” futsi batsi, “khona-

ke sito—sitochubeka sehle, sitsatse emahhashi futsi sichubeke singene. Sitohlangana nawe entasi ekupheleni kwalesihosha, cishe, o, cishe emakhilomitha lasitfupha noma lasiphohlongo entasti.”

Watsi, “Kulungile.”

¹⁷⁸ Ngako sacala kutungeleta, Bud nami. Cishe ehhafini yeli-awa, sasebenta ngekutungeleta ngco. Futsi leyondluzele iklharibhu ilele khona lapho, ibuke ngco kitsi, futsi ayikaze isibone. Ingahle kube beyilele. Futsi senyuka kancane ngale kwemsaho lomncane, sase sibuya emuva, futsi senyuka ekhatsi kwemayadi langemashumi lamatsatfu kuyo. Nayo ilele. Leso lesikhulukati, silwane lesikhulu, savuka lapho, futsi ngasitfola.

¹⁷⁹ Futsi ngesikhatsi sisehleti lapho, sisusa boyo entsanyeni, nakanjalonjalo, kusuka kuyo, kanjalo, Bud watsi, “Ngabe utsite letimphondvo leti betingema-intji langemashumi lamane nakubili na?”

Ngatsi, “Kunjalo impela.”

¹⁸⁰ Watsi, “Mnaketfu Branham, tifanele kuba likhulu nemashumi lamane nakubili,” inhloko lenkhulu kakhulu.

Ngatsi, “Cha. Ngemashumi lamane nakubili nje nciamashi.”

Watsi, “Nginetheyiphu yekukala entasi lapho.”

Ngatsi, “Uyakungabata na?”

Watsi, “Cha, mnumzane.”

¹⁸¹ Watsi, “Kodvwa, awume kancane, awuzange ungitjele kutsi bewutotfola libhele lelikhulu lelimphunga ngaphambi kwekutsi ubuye entasi na? Kutoba nelibhele lelinembala lomphunga, ngaphambi kwekutsi urike emuva lapho lowomfana bekakhona, agcoke lihembe leliluhlata na?”

Ngatsi, “Lelo liciniso.”

¹⁸² Wabuka emuva entasi egcumeni. Yebo-ke, akukho’ntfo lephakeme kangako, akukho lutfo nhlobo. Tjani nje lobuyimvukumvuku, konkhe lokubonako, emakhilomitha nemakhilomitha, emagcuma lehlela kakhulu nje etjanini lobuyimvukumvuku. Watsi, “Likuphi, Mnaketfu Branham na?”

¹⁸³ Ngatsi, “Angaliniketa linye. Ushito njalo.” Ngatsi, “Uyakungabata yini loko, Bud?”

Watsi, “Cha, mnumzane.”

¹⁸⁴ Yebo-ke, sehla ligcuma, sita kanjena. Utowetfwala sibhamu lesikhulu kwesikhashana, futsi ngitotfwala inhloko, bese siyantjintjana. Kwafanele nje sihambe silinganisile, wehla, leto timphondvo letinkhulu nje tihhaliga kulobotjani lobuyimvukumvuku. Futsi sefika ngekhatsi cishe kwelikhilomitha nehhafu yako. Sema futsi sacalata. Watsi, “Lelobhele lelidzala kuncono litivete, alizange na?”

Ngatsi, “Yini wena—yini wena lekukhatsatako na?”

Watsi, “Kute.”

¹⁸⁵ Sachubeka saze sashaya tinguzuma telichwa lelikhitsika entsabeni lencane tita ngesheya. Sahlala phansi lapho futsi satsi kuphola kancane. Yena watsi, “Mnaketfu Branham, cabanga ngako nje,” watsi, “asikefiki ngale cishe, o, ngaphansi kwemakhilomitha lasiphohlongo size sifike kulabo bafana, futsi ndzawanatsite emkhatsini walapha nalapho utobulala libhele lelinembala lomphunga.”

¹⁸⁶ Ngatsi, “Loko kunjalo. Loko kunjalo.” Watsi . . . Ngatsi, “Uyakungabata loko, Bud.”

¹⁸⁷ Wasukuma futsi wangibamba ngesandla. Watsi, “Mnaketfu Branham, umnaketfu akakaze abe nekudlimuleka kusukela ngalolosuku kuze kube kulolu.” Watsi, “LoNkulunkulu lobekangakutjela ngemnaketfu, bekangeke acambe emanga kuwe.”

Ngatsi, “Bud, litoba lapho.”

Watsi, “Litovelaphi na?”

¹⁸⁸ Ngatsi, “Angati, kodywa,” Ngatsi, “Bud, nginemashumi lasihlanu nakibili,” (ngalesosikhatsi), futsi ngatsi, “Ngiyibonile imibono, kusukela ngisengumntfwana. Futsi lapho ngibona lendluzele ikharibhu lapha, ibulewe, futsi uyabona uma timphondvo tayo tingesiwo ema-intji langemashumi lamane nakibili. Futsi-ke, lombono lofanako, mine ngisemgwacwensi wami lobuyela entasi kuya lapho leyo nkapanie yayikhona, lenganginabo, ngabulala lelibhele leli lelinembala lomphunga, lelimphunga.”

Watsi, “Mnaketfu Branham, ngingabona emakhilomitha langemashumi lamatsatfu.”

¹⁸⁹ Watsi, “Nkulunkulu utodzinga alidvonse alikhiphe emhlabatsini, noma aliletse phansi livela etibhakabbakeni, noma lokutsite.”

Ngatsi, “Ungakhatsateki. Litoba lapho.”

¹⁹⁰ Sahamba cishe lamanye emayadi lalikhulu. Bese atse nje kuphelelwa emandla naye. Loku kusindza cishe emakhilogremu langemashumi lasikhombisa, lomklomelo. Ngako, ehla leligcuma, futsi wa—futsi wayibeka phansi. Watsi, “Whuu! Sengitsi kuphonsa lithawula.”

¹⁹¹ Ngatsi, “Yebo.” Singena kulesincane sihlahla iphigimi, sihlahla sesipheshula iphigimi khona-ke, lesicishe siphakame kangako. Kwakukhona tinyoni ema-grouse lambalwa andiza ngakhona, futsi kwakukhona tinyoni ema-ptarmigan letinsikati, ngako-ke ngajikijela ematje latsite kuto kanjalo.

Ngako watsi, “Wake wayidla noma nguyiphi yaletinyoni ema-ptarmigan na?”

Ngatsi, "Cha. Angikholwa kanjalo."

¹⁹² Watsi, "Akahle. Amnandzi njenge-grouse." Watsi, "Mnaketfu Branham?" Wetfula sigcoko sakhe lesimnyama lesidzala, watishayisa umoya. Watsi, "Sekutsi akube sikhatsi kutsi lelobhele lelidzala livele, akunjalo, mfana na?"

Futsi ngatsi—ngatsi, "Bud, uyakungabata loko."

¹⁹³ Watsi, "Cha. Angingabati. Kodvwa, Mnaketfu Branham, a—a—angikhoni kucondza nje."

¹⁹⁴ Ngatsi, "Nami angicondzi. Akusiko kwami kutsi ngicondzze. Kungekwamu kutsi ngikholtwe." Amen. Nkulunkulu eZulwini uyati kutsi letintfo leti tiliciniso. Bengingema lapha futsi ngisho loku, kube kungesilo liciniso na?

¹⁹⁵ Khona-ke ngacala kugucuka, kutsi ngimnike sibhamu lesikhulu, futsi mine ngicukule lenhloko. Futsi lapho sengigucukile, ngatsi, "Bud, unato leto tibuko lapho entsanyeni yakho. Kuyini loko lokume etulu lapho eceleni kweligcuma na?"

¹⁹⁶ Futsi waphonsa tibuko etulu. Watsi, "O, ngisite," watsi, "uma kungesiyo inkhomu lemunyisako yalomuny'umuntfu!" Akukho lokunjalo eveni. Watsi, "Lelo libhele lelimphungana lelikhulu kunawo onkhe lengake ngawabona emphilweni yami. Futsi ngako-ke ngisite, buka lelolanga lelimtfubi lelikhanya etikwalo. Lilibhele lelinembala lelimphunga." Watsi, "Utsi likhashane kangakanani na?"

¹⁹⁷ Ngatsi, "Litsi alibe ngemakhilomitha lamatsatfu etulu lapho." Futsi sase sitsi asiphelelwe ngemandla. Watsi... Ngatsi, "Yini lesiyilindzele na? Asambe."

Futsi watsi, "Ucinisekile kutsi utolitfolna na?"

Ngatsi, "Impela ngitolitfolna."

Watsi, "Ngusiphi lesosibhamu losisebentisako lapho na?"

¹⁹⁸ Futsi ngatsi, "Manje, ungakhatsateki ngaloko." (Futsi kwakusibhamu lesincanyanya lomunye umnaketfu langinika sona emhlanganwени ngalesinye sikhatsi, eminyakeni leminengana leyendlulile.) Futsi ngatsi... (Lencane, leshiphile i .270.) Futsi ngatsi, "Kulungile. Ngatfolna... Ngi... Kutoqwenteka."

¹⁹⁹ Sachubeka ngekusondzela kancane. Futsi lapho sisondzela kakhudlwana, lelobhele lalibukeka lilikhulu lucobo. O, lalibukeka njengesitaki setjani lobomile lesikhulukati simiswe lapho kulobo tjani lobuyimvukumvuku, niyati. Lemile, lephakeme kakhulu, lenkhulu, intfo lenkhulukati, inhloko letsii ayibe banti kangako, niyati, nemihlatsti iphumele ngephandle, tidladla letiphakeme letinkhulu kakhulu. Futsi belichokolota lamagala lamancane emagungumence, kanjalo, niyati, liwadla. Futsi lozimukile, umfo lomkhulu kakhulu! Satfola cishe, o, cishe emayadi langemakhulu lasiphohlongo kuye.

²⁰⁰ Watsi, “Yeyi, Mnaketfu Branham, uke—uke walidubula libhele lelimphunga phambilini na?”

²⁰¹ Ngatsi, “Ngidubule libhele lamanengi, Bud, kodywa angikaze ngilidubule libhele lelinembala lomphunga phambilini.”

²⁰² Watsi, “Uyati, libhele lelinembala lomphunga lisilwi lesikhulu kunawo onkhe awo.”

Ngatsi, “Ya, ngikucondzile loko.”

Watsi, “Alikwati kutsi kufiwa kanjani.”

Futsi ngatsi, “Yebo-ke?”

²⁰³ Watsi, “Musa... Ukhweshe kangakanani—kangakanani—kangakanani na? Usondzele kangakanani kutsi ufinyelele kulo ngaloko na?”

²⁰⁴ Manje, mbute nje. Mbhalele incwadzi. Ngitoninika likheli. Watsi, “Vumela noma ngubani angibhalele ngako, lofuna kukwenta, nganoma ngukuphi kwaletu tintfo. Ake ngibatjele.” Futsi ngako . . .

Futsi ngatsi, “Yebo-ke?” Ngatsi . . .

Watsi, “Manje?”

²⁰⁵ Ngatsi, “Cha, cha. Bengisondzele kwendlula loku, Bud. Bengisetulu ngco, ngisondzele kulo.”

²⁰⁶ Watsi, “Sesisondzela kakhulu impela manje. Lingahlasela noma nini.”

²⁰⁷ Ngatsi, “Ngiyakwati. Kodvwa,” ngatsi, “Bud,” ngatsi, “kutolunga.”

²⁰⁸ Watsi, “Manje, uma udubula libhele,” watsi, “manje, Mnaketfu Branham, lidubule emhlane. Umele ulihlakate, ngoba litochubeka nekusolo lilwa, futsi ngeke likhone kuvuka ke.”

Ngatsi, “Cha, ngekwalombono, ngilidubule enhlitiyweni.”

Watsi, “Ngiyetsema kutsi awentanga liphutsa kuloko.”

²⁰⁹ Ngatsi—ngatsi, “Angizange.” Ngatsi, “Ngiyakukhumbula loko.” Ngoba, e—embonweni, use—usemwensi munye, futsi kokubili, njengoba sikuchazile ngalolobunye busuku. Ukuko kokubili. Ungeke ukhone kukukhohlwa. Niyabona na? Ngako nako laph’ukhona.

²¹⁰ Ngako saphindza sangena futsi, cishe—cishe emayadi langemakhulu lamabili nemashumi lasihlanu. Leso kwakusihosha lesijulile sekugcina lesincane lesasendlula. Futsi ngatsi, “Loko sekutsi akube ngiko ke manje. Libuke. Alilihle na?”

Watsi, “Ya, ngicabanga kutsi linjalo.”

²¹¹ Futsi—futsi ngatsi, “Kulungile, Bud. Manje uma ngiphakama kusuka lapha, liyeta.” Futsi ngatsi, “Wena bukela nje.”

Futsi watsi, “Ngitobe ngibukela.”

²¹² Ngako ngafaka libbosho embhobheni wesibhamu, niyati. Futsi sasiphansi ngaphansi kwalesihosha lesijulile lesincane. Lapho ngisatsi ngiyaphakama nje, nali lita. Hhe, hhe! Ngema, ngadubula, futsi nje kwevakala kungatsi sibhamu sekudlalabantwana lesichumako silishaya. Mfana, akukaze nakancane futsi kulivuse, ngisho nakancane. Futsi, hhe, ngaphambi...

²¹³ Ukhulumwa ngesivinini! Angizange sengibone nomayimi lenjalo. Lona, belingashiya lihhashi, indluzele, noma ngabe yini, niyati, libhele lingakhona, kanjalo. Lona lita lehla kulelogcuma, lita ngco ngakitsi, kanjalo.

²¹⁴ Futsi manje, ngaphambi kwekutsi ngikhone kutfola lelinye libbosho esibhamini, lawa lafa, cishe, o, cishe emashumi lamatsatfu, emayadi langemashumi lamane kusuka kimi, lagucuka ngalapha kuya ngale; yatsatsa inhlitiyo, emaphaphu, nako konkhe, kwasuka kulo. Kwakuyihlavu iNosler, nine baphatsi betibhamu letifakwa tinhlavu ngesandla niyati. Ngako ya—yalihlakata, futsi lawela ngaleyela.

²¹⁵ Bud, eme lapho, wabuka ngaleyela, bekamhlophe hhu wonkhe umlomo. Watsi, “Mnaketfu Branham, bengingalifuni nje etikwelitsanga lami.”

Ngatsi, “Nami bengingalifuni.”

²¹⁶ Watsi, “Whuu.” Watsi, “Ngifuna kukutjela, ngemva kwekuba sekuphelile, mfana. Uma loko bekungazange kube ngulomunye waleyo mibono, futsi bengiyibone yenteka phambilini, bengingeke ngikhuphukele lapha, edvute kangako nalelobhele, nawe.”

²¹⁷ Futsi akukho ngisho namunye wetfu lobekangamsundvuta. Bekasindza emakhilogrammu langemakhulu lamane nemashumi lasihlanu nakutsatfu, ngiyacabanga, ngako, lomkhulukati, umfo lomkhulu. Asikhonanga kulihlanta, satfola... samhliza. Sacala sachubeka sehla. Futsi satsi... “Mnaketfu Branham?” Satsatsa timphondvo. Watsi, “Uma leto timphondvo tingemaintji langemashumi lamane nakubili,” watsi, “Ngitoba nje nekudlimuleka.”

²¹⁸ Ngatsi, “Kuncono ubenako khona manje, ke, ngoba kunguloko lokungikko.”

²¹⁹ Watsi, “Angikaze ngibone i—i—i... Kubonakala kimi kwangatsi ngiyakuphupha loku.”

²²⁰ Futsi lapho sifika entasi lapho, futsi ngatsi ku—ku-Eddie, ngatsi, “Manje bukisisa. Blaine utobeka tandla takhe.”

²²¹ Manje, niyakhumbula, kwakukhona sandla lesincane ngakulolo phondvo. Uyakhumbula, Mnaketfu Fred, kutsi ngakutjela kanjani kutsi kuyoba kanjani na?

Futsi ngatsi, "Kubukisise," ku-Eddie.

Futsi Bud watsi, "Mani." Waletsa lihhashi lakhe ngalapho.

²²² Futsi sasinelibhele kitsi, niyati, nalawo mahhashi adzabula nje konkhe. Niyati kutsi enta kanjani uma eva kunuka libhele lelimphungana noma luphi luhlobo lwelibhele. Ngako-ke nga—ngaya ngaleya, ngibamble, ngitama kubamba lihhashi, lihhashi leligitjelwako litama kubaleka.

²²³ Futsi waya ngaleya futsi watsatsa itheyiphu yakhe yekukala, wase uyeta ahamba ngaleya lapho, angibuka, *kanjalo*. Ngatsi, "Wota lapha, Blaine." Ngashaya ngesibhakela Eddie. Ngakubeka phansi kuloku. Amen. Futsi ngako ngisite, ema-intji langemashumi lamane nakubili, ekhaleni!

²²⁴ Manje, leto timphondvo tishwaphene cishe ngema-intji lamabili uma setoma. Lelo bhele lelimphunga lilele egumbini lami lekungcebeleka, futsi timphondvo tilenga elubondzeni. Umhlindzi wetilwane atimise kube ngatsi tiyaphila utilungisile, futsi watilungisa. Kuneteyiphu yekukala lelenga etikwato, ema-intji langemashumi lamane nakubili, nciamashi.

²²⁵ Manje, Nkulunkulu abengamtjela kanjani umuntfu intfo lenjalo, mayelana neluhambo lwekuyotingela na?

²²⁶ Uma ngibuya, make bekagula. Ngaya kuyombona. Watsi, "Billy?" Niyalbona, Bekangikhutsata, angilungiselela lokutsite.

Ngatsi, "Make, iNkhosi beyihlala ikuphilisa njalo."

Watsi, "Billy, ngiy'eKhaya kuyobona babe."

"O," ngatsi, "make, ungakhulumi kanjalo."

Watsi, "Yebo, ngiyahamba." Ngamkhulekela.

Futsi uMnaketfu Fred nabo bonkhe balabofakazi labahleli lapha bayati.

²²⁷ Khona-ke, intfo lelandzelako niyati, bamyisa esibhedlela. Dokotela akatanga ngisho nekutsi kwakuyini leyayingalungi. Yebo-ke, ngaphuma kuyomkhulekela. Watsi, "Ndvodzana, ngiyahamba." Futsi manje, make wami bekatsi kuba nguweisifazane lonemandla, empeleni.

²²⁸ Ngalelinye lilanga, emalanga lambadlwana emvakwaloko, ngahamba ngangena. Bekeme lapho, abuke etulu ngco ngasemaZulwini. Watsi, "Billy, ngiyakubona."

Ngatsi, "Ngani, impela, make." Watsi, "Ngikubona khona lapha."

²²⁹ Watsi, "O, sewukhule kakhulu, Bill," watsi, "tinwele takho letimhlophe nesilevu nje kulenga ndzawonye. Futsi ugace umkhono wakho esiphambanweni, ufinyelela kimi." Nganginembono lomuhle-ke, kwabanguloko-ke.

Manje, nine bazalwane lapha niyati kutsi kuliciniso.

²³⁰ Ngakusasa kwakuliSontfo. Bengishumayela. Bangitfumelela livi, “Wakho...” Ngatsi, “Angikholwa kutsi make uyahamba. Nkulunkulu uhllala angikhombisa, bantfu bakitsi bahamba. Kodvwa, make, Akazange angikhombise lutfo ngako.” Naku kungena umlayeto. Futsi ngangisekhatsi ngco neMlayeto wami, kanjena. Lomuny’umuntfu uyangena, watsi, “Hamba, hamba uye kumake wakho njengamanje. Mshayele lucingo. Uyafa, kulomzuzu.”

²³¹ Ngatsi, “Kufa, mbambe anganyakati. Livi laNkulunkulu libaluleke kakhulu kunaloko.”

²³² Lendvodza ihleti khona lapha, uMnaketfu Borders. Ngemva kwekuba inkonzo seyiphelile, ngaphuma kuyobona make wami. Ngahlangana neMnaketfu Borders. Watsi, “Mnaketfu Branham, awusiwo impela emafidi lasitfupha, kodvwa ngibone indvodza lengemafidi lalishumi ime epulpiti manje ekuseni.”

Ngatsi, “Mnaketfu Borders, Nkulunkulu utonakekela konkhe loko ngamake.”

²³³ Futsi tinsuku letimbalwa emvakwaloko, bangibitela egumbini, futsi yena empeleni bekahamba. Wabutsa wangenisa bantfwana, beme batungelete umbhedze. Ngatsi, “Make, vele uyahamba?”

Watsi, “Yebo.” Khona-ke akabange asakhona kukhuluma.

²³⁴ Ngangisolo ngimtjela, “Jesu usho kutsini kuwe, make?” Ngiyakhumbula ngimbhabhatisa eGameni laKhe, esikhatsini lesidze lesendlulile, ngephandle emantini. Ngatsi, “Ngitjеле Usho kutsini kuwe manje.”

Watsi, “Ngetulu kwekuphila kimi.”

²³⁵ Ngatsi, “Make, uma uhamba, ngingumfana wakho, i... umshumayeli. Ngifuna kwati, kuvela kumake wami lucobo lotohlangana naNkulunkulu. Ngifuna kubamba sandla sakho lapha, make.”

Watsi, “Ngifuna ukwente.” Ngachubeka nekusibamba.

²³⁶ Bekangasakhoni kukhuluma. Kubonakala kwangatsi bekakhubateka, buso bakhe. Ngatsi, “Awusakhoni kukhuluma, make?” Akakhonanga kwenta... Ngatsi, “Lalela. Ngabe Jesu usasolo anguye kuwe na?” Bekalekutisa inhloko yakhe.

²³⁷ Khona-ke wefika endzaweni lapho bekasangasakwati kutsi alekutise inhloko yakhe. Ngatsi, “Make, ngabe Jesu ungiko konkhe kuwe manje? Utela wena, emzuzwini. Yonkhe intfo, kuwe na?” Bekangasakhoni kunyakata.

²³⁸ Ngatsi, “Make, unentfo yinye kuphela, wena... Ngikubona kutsi ucwabitisa emehlo akho. Uma Jesu asasho lokufanako kuwe njengoba Bekahlale akwenta, kusukela ngelusuku lengakubhabhatisa ngalo emantini, cwabitisa emehlo akho

ngekushesha impela.” Wacwabitisa emehlo akhe, futsi tinyembeti tigeletela phansi, *kanjalo*.

²³⁹ Futsi uMoya lomncane weta, ushanyela ungena egumbini. Make waya eKhaya.

²⁴⁰ Ngifika ekhaya, ngaphuma ekhaya lebangcwabi, ngakhipha tingubo tekugcoka. O, niyati kutsi kunjani. Udzingeeka wente intfo lefanako. Bantfwanyana bonkhe bakhala, munye phansi kulenye indzawo; lomunye, kulenye. Ngatsi, “Make bekayinsika yekuhhuka. Ngeke sisaba ngulabafanako futsi.” Doc nemndeni wakhe *kulelikona*. Jesse nemndeni wakhe *kulelakona*. Sisandza kungcwaba Howard, madvutane. Ngatsi, “Yebo-ke, sesihamble, bafana.” Ngatsi, “Sitawu . . . Singeke siseta kutobonana. Make bekayinsika yetfu.” Ngatsi, “Ngeke sisabonana lomunye nalomunye, ngeke kusabakakhulu manje.”

²⁴¹ Ngenyukela ekhaya, ngesikhatsi sasebusuku, ngemvakwekuba sesitsetse timphahla takhe tekugcoka. Ngenyukela ekhaya.

²⁴² Nkkt. D’Amico, ukhona yini lomatiko, waseChicago na? Bekakadze angumngani lotsandzeka kakhulu walomkhankhaso. Bekangiphe liBhayibheli. (Ngiyalisa.) Futsi lalingulelinye lalawo maBhayibheli lanetinhlavu letibovu lelinazibhu kulo. Futsi lotsite, ngesikhatsi ngishumayela leyo nshumayelo, *LiWundlu NeliTuba*, bebangitfumelele ematuba lamabili, njengekwekufasa. Lomunye umnaketfu, uMnaketfu Norman, bekangitfumelele lituba lelincane, neliwundlu, uMnaketfu Borders ungipha liwundlu. Ngatsatsa liBhayibheli. Meda bekangale kulelinye likona, akhala.

²⁴³ Futsi nonkhe nine maDvodza labosomaBhizinisi lapha niyati, ngesikhatsi ngiseJamaica, ngibone maketala wami, nganitjela etafuleni ngephandle lapho ejamaica. Ngatsi, “Lomunye webantu bakitsi uyafa, lowo longenalo nelitinyo linye. Ngibabona bahamba.” Ngco etafuleni, Demos Shakarian nabo bonkhe bahleti lapho. Ema-awa lambalwa kusukela ngaleso sikhatsi, maketala wami wacishe wawa phansi wafa, ngalesosikhatsi, niyabona, angenatinyo, ncamashi nje.

²⁴⁴ Ngatsi, “Ngibone insizwa ikhafuna ingati.” Ngashaya lucingo, ngatsi, “Ungavumeli Billy . . .”

²⁴⁵ Ngabe ukhona noma ngubani lapha lobekasemhlanganweni wase—waseJamaica ngaleyaa ngaleso sikhatsi e—eJamaica na? Angiboni. Ya. Kunalababili. Ngako-ke . . .

²⁴⁶ Futsi ngatsi, “Kumele . . . Billy, ungenyukeli lapho. Ngibone umfo lomncane akhafuna ingati.” Futsi kwakungusibali wami. Wahamba, bekanekopha ngesikhatsi lapho make wakhe afa. Kwavele kwamphonsa ekutfukeni lokukhulu.

²⁴⁷ Khona-ke ngime lapha ngalolosuku, ngacukula leliBhayibheli. Ngatsi, “Babe, angati. Mhlawumbe nje lutsandvo

IwaKho, Awungibonisanga yena ahamba. Kodvwa ngidvumele kakhulu, Nkulunkulu. Wena Unganginika nje livi lelitsite lekudvudvuta lelivela eVini laKho na?" Ngatsi, "Ake ngifundze nje lokutsite lokudvudvutako, lokudvudvutako kimi." Ngavele ngayekela nje liBhayibheli livuleke *kanjalo*. Nako lapho kwakukhona, tinhlavu letinkhulu letibovu, "Akafi, kodvwa ulele." Futsi ngangena ekamelweni. Saya kuyolala.

²⁴⁸ Cishe ngensimbi yesiphohlongo, ngakusasa ekuseni, ngavuka. Bebatomlungisa, ngale cishe emini, ngako-ke siyehla futsi siyambona. Meda waphuma kutsi atfole kudla kwasekuseni kwebantfwana, naJoe lomncane akhala. Becky akulelinye likona, asolo akhala, "Utsi ngiyoke ngiphindze ngimbone gogo futsi na?"

²⁴⁹ Ngatsi, "Yebo. Yebo. Uyombona. Ungesheya nje, uye esitezi lesisetulu." Ngatsi, "Yena, sitophindze simbone." Futsi bekabatsandza labo bantfwanyana labancane, niyati.

²⁵⁰ Futsi, ngako, futsi bonkhe bebakhala, "Singambona yini gogo kulentsambama na?"

²⁵¹ Ngatsi, "Ningabona lomtimba lebekaphila kuwo, kodvwa gogo sewukhuphukile kutsi ayoba nalolomunye gogo wenu, bona etulu eZulwini."

²⁵² Futsi Joe bekangakhoni kukucondza, umfana wami lomncane, niyati. Bekangakhoni nje kukucondza. Watsi, "Khona-ke gogo utobuya ehle namuhla kusihlwa na?"

²⁵³ Futsi ngatsi, "Cha, cha. Angati kutsi utobuya nini. Uma Jesu seketa, utobuya."

²⁵⁴ Futsi ngangime lapho. Futsi ngagucuka, ngihamba egumbini. Futsi lapho sengentile...Ningangiceli kutsi ngikuchaze. Kute indlela yekukuchaza. Ngatibona ngime ngaphandle lapho, ngalokufanako nje njengoba ngibuka ngesheya kuletetsameli leti. Futsi ngangihola emaculo. Angizange sengikwente loko. Angikwati ngisho nekuhlabela, nhlobo. Ngako, futsi kwakukhona lesikhulu kakhulu, sicuku lesikhulukati sebantfu.

²⁵⁵ Kuloluhlangotsi *lol*, li—lihhola lelikhulu lalibukeka ngatsi lalingaphandle, kungatsi, o, angati kutsi beningakubita ngani, luhlobo lemawukela, nentfo lefana nenkhundla yemidlalo. Futsi kwakusemuva khashane kakhulu, lamalayini bekanjalo, kwaze kwabangulapho yayidzingeka iphakanyiswe *kanjena*, ngako lamanye akhashane kakhulu emuva bekadzingeka abuke ngalendlela. Kodvwa konkhe emkhatsini...Imigca nje lemitsatfu, *kanjena*. Futsi konkhe ngco kusemkhatsini kwakutsi akube njengetjani belifolishi lobomile bubutsiswe ngekhatsi, beliplastiki lelincane, bantfwana labancane labakhubatekile balele kuleyo migca.

²⁵⁶ Futsi ngangigcoke isudu lemnyama, futsi bengihlabela, “Bangeniseni, bangeniseni, ngenisani labancanyana kuJesu.” Sihlabela lelo ebandleni, kancane impela, ikakhulukati ekunikelweni kwebantfiana. Futsi kwakukhona lokufana ne-nelibhokisi lapha, lapho kwakuhleli khona saziwayo, futsi ipulpiti yayisedvute naloko. Kodvwa ngangiphansi, ngihola emaculo. Futsi khona masinyane nje, mine ngime lapho, ngitibuka mine lucobo, khona-ke... O, ungetami kukucabanga, ngoba ngeke ukhone. Khona-ke ngesikhatsi *ngilapha*, kwase kuba *ngulapha*. Angati. Lababili babo bahamba ndzawonye. Futsi ku...

Leyo yintfo lenhle lapho lababili bakho bahamba ndzawonye.

²⁵⁷ Ngatfolia ikhamera etulu lapho. Ngehla, ngangingati kutsi sitfombe sitsatfwa kanjani. Ngabuka kulentfo, futsi, ndvodza, ngangikhona kubona letisihlanu noma tintfo letisitfupha letehlukene. Ngako ngicala kukucondzisa. Billy wangitjela, watsi, “Kucondzise, futsi konkhe kuba ngukunye.”

²⁵⁸ Kungumcondvo lomuhle kwenta loko, niyati. Ubona tintfo letehlukene uma ukucondzisa. Futsi sebentisa Livi laNkulunkulu kutsi ucondze kuYe, futsi uto-utobona loko lengikhuluma ngako. Kodvwa Kucondzise, kucala, niyabona.

²⁵⁹ Ngako ngime lapho, ngibuka, futsi ngangena kulowo mbono. Futsi ngesikhatsi ngiselapho, ngacaphela umuntfu lowatiwako abuyela ngemuva kwalendzawo. Futsi beba... Ngatsi, “Yebo-ke, beta ebhokisini lalosaziwayo.” Ngako bafika bahamba benyuka ngalendlela. Futsi ngacabanga, “Yebo-ke, ngitohlabela kanye futsi ngesikhatsi loyodzadze aseta.” Bekagcoke ngendlela leyifashini lendzala.

²⁶⁰ Manje, labanye benu bodzadze nitokukhumbula loku, ngesikhatsi bebagcoka lolohlobo lwetiketi, njenga, bativunulela *lapha*, futsi sehle entasi le etikweticatfulo letinetintsambo. Futsi tatineluhlobo lolugcwele... Nitibita ngekutsini leto tintfo, njenga-njengaloku lodzadze lona lakugcoke khona lapha manje? Lelobhulawuzi. Libhulawuzi, letinye taletotintfo letinjalo, futsi kwakunemikhono legcwele sibili kulo. Niyawakhumbula na? Futsi kwakukhuphukela ngasentsanyeni lapha, neluhlobo loluncane lwelikinobho lelincane lwentfo lungene lapha. Khona-ke, agcoke sigcoko lesikhulu kakhulu, sitjekeli eceleni. Futsi bodzadze, ngaleto tinsuku, bebanetinwele letindze. Ngako batidvonsa batehlisela phansi *kanjena*, futsi babeke sigcoko etikwato, futsi bafake liphini kuto, niyati, kuze batigcine ticondzile, ngoba kwakudzingeka bagibebe lihhashi ngekuhlala ubheke eceleni netintfo.

²⁶¹ Ngako-ke lodzadze bekenyuka, futsi wonkhe umuntfu bekamhlonipha lodzadze. Futsi ngacabanga, “Yebo-ke, utoya ebhokisini labosaziwayo.”

²⁶² Ngako, ngako-ke, ngatsi, “Kanye futsi, wonkhe kuloluhlangotsi *lolu*, ‘Bangeniseni.’ Manje *ngalapha*, ‘Bangeniseni.’ Khona-ke bonkhe emkhatsini, bonkhe kanye kanye manje, ‘Ngenisani labancanyana kuJesu.’”

²⁶³ Ngisasho loko nje, lodzadze besavele angenile ebhokisini. Ngangikhona kubona, ngesikhatsi sekangenile ebhokisini, wonkhe umuntfu wasukuma. Futsi bebatsi kwenta *kanjena*, bambona, futsi bekababona.

²⁶⁴ Ngacabanga, “Yebo-ke, sekusikhatsi sami kutsi ngishumayele. Ngitohamba ngikhulekele labo bantfu labagulako.” Ngasukuma lapha e—epulpiti, *kanjena*, futsi lelibhokisi lalikhona kanye, o, edvutane njengoba lomnaketfu ahleti *lapha*. Futsi ngagucuka, *kanjena*.

²⁶⁵ Ngacabanga, “Yebo-ke, manje, loyodzadze utokhotsama kimi, ngako ngitambona kahle nje.” Futsi ngako-ke ngesikhatsi ngigucuka, bese avele akhotsamise inhloko yakhe, *kanjena*. Ngangigebise inhloko yami phansi, *kanjena*. Futsi lapho ngiphakamisa inhloko yami, ngaso lesosikhatsi, ngahlangana naye, kwakungumake, asemusha, amuhle.

Ngambuka. Ngatsi, “Make?”

Watsi, “Billy.”

²⁶⁶ Futsi khona lapho nje, umbane wacala kumanyata yonkh’indzawo kulesakhiwo, imidvumo yabhodla, nekutamatama kwefika. Futsi liPhimbo latsi, “Ungesabi ngamake wakho.” Latsi, “Ungalendlela lefanako lebekangiyo nga 1906.”

Futsi ngatsi, “Ini, 1906?”

Futsi Meda watsi, “Yini indzaba ngawe na?” Umkami.

Ngatsi, “S’thandwa, 1906, kwakuyini nga 1906 na?”

Watsi, “Ngani?”

Ngatsi, “Umbono, ngibone make eme khona lapha.”

Watsi, “Ubone ini?”

Ngatsi, “Ngibone make.”

Watsi, “Impela sibili, Bill?”

²⁶⁷ Ngatsi, “Yebo. Bekeme khona lapha, futsi bekamuhle. Futsi Watsi . . .” Ngatsi, “Bekanguwesifazane losemusha nje.”

²⁶⁸ Ngako ngahamba futsi ngatfola lirekhodi lelidzala lemndeni lomdzala. Niyati kutsi bekayini nga 1906 na? Umllobokati wababe. Ngulowomnyaka lashada ngawo. Manje sewuyincenyé yalomunye uMlobokati, uMlobokati weNkhosi Jesu.

²⁶⁹ Lomunye lovela kulenyé indzawo wangitfumelela zuka. Nginaye lapha ekhukhwini lami, 1906.

²⁷⁰ “Futsi Yena, Moya loNgcwele, ngesikhatsi Sekefikile, Utokwembula letintfo leti kini leNgitishito, futsi utonikhombisa tintfo letitako.”

²⁷¹ Manje, kuyini na? Luhambo lwekutingela lwalungakha kuphela nje, niyabona. Lolunye lweluhambo lolwendlula lonkhe lengake ngalutsatsa, ngati kutsi, lokushaceka lokukhulu. Loko kwakulutsandvo. Futsi, mnaketfu, dzadze, uma yonkhe leminte imibono beyicinisile ngalokuphelele, ngaloko Moya loyiNgcwele lakubonisile, kufanele kube nguMoya loyiNgcwele. LiBhayibheli lasho, kutsi, “Uma kufezeka, ngako-ke kwakunguYe.”

²⁷² Khona-ke, litsema lelinje pho lesinalo! Ngalelinye lilanga sitoyishiya lendzawo. Sibuyela ensizweni nasentfombini, singasayukufa. Nginganconota kwati loko kunekutsi ngati kutsi ngangitoba ngumengameli wemhlaba futsi ngiphile iminyaka letigidzi. Nginganconota kwati kutsi bengisesandleni saNkulunkulu.

²⁷³ Futsi ngiyajabula kwati, kusihlwa, kutsi lowoJesu lofanako lowenta lesositatimende, Ulapha, emvakweminyaka letinkhulungwane letimbili. Niyabona, ngeke Kushabalale. KuPhakadze. Futsi UnguJesu lofanako kusihlwa Lebekanguye ngelusuku Lenta ngalo lesitatimende. Futsi Usatolicinisekisa leloLivi, uma sitoLikholwa. Niyakukholwa loko na?

²⁷⁴ “Uma Yena, Moya loNgcwele, sekefikile, Ngeke akhulume ngaYe cobolwakhe. Kodvwa Utotsatsa letintfo, ngaMi,” lelo Livi, “futsi utonibonisa tona. Futsi-ke, kantsi futsi, Utonikhombisa tintfo letitako.”

²⁷⁵ Encwadzini ye—yemaHebheru, sahluko 4, liBhayibheli latsi, “Livi laNkulunkulu likhalipha . . .”

²⁷⁶ Manje, Ngubani lobekaLivi na? Jesu. “Ekucaleni bekakhona Livi, Livi bekakuNkulunkulu, Livi bekanguNkulunkulu. Livi wentiwa inyama. Wahlala . . .”

²⁷⁷ “Livi laNkulunkulu likhalipha kunanoma nguyiph inkemba lesika ngetinhlangotsi totimbili, lihlabu lite lehlukanise, nasemnkantjeni, futsi linguMhloli wemicabango lesenhlitiyweleni.”

²⁷⁸ Lowo nguNkulunkulu wetfu. Asikalahleki, bangani. Sisekhona emseni waNkulunkulu. Ngi—ngitivelka, kukhuluma nganoma yini, futsi ngikhulume ngesikhatsi lesendlulile. . . Futsi njengoba ngishito itolo ebusuku, njengoba labo bafundzi bebatama kuphila emhlanganweni lowo lebebanawo ngakutsanti, babuke phambili kulomunye, kodvwa bakhohlwa yena kanye loMdali wemoya nemagagasi lobekalele esikebheni.

²⁷⁹ LoNkulunkulu lobekasetulu lapho kuleto tintsaba, kubeka lelobhele lelinembala lomphunga, ngekusho kweLivi laKhe, lelilele lapho phansi, kwentela bufakazi.

²⁸⁰ Manje, uma ufisa kubhalela leyondvodza, vele ubhale kutsi Bud Southwick, S-o-u-t-h-w-i-c-k, Bud Southwick, Fort Saint John, British Columbia, futsi umcele akubhalele incwadzi akuphendvule. Futsi empeleni, uma utsatsa luhambo lwekutingela, kakhona umfo lolungile longahamba naye.

²⁸¹ Manje caphelani. Ukhulume loko emkhatsini wabo bonkhe labo battingeli enhla nasentasi kulowomgwaco, ngize ngikholwa kutsi ngitoba nemhlangano sibili esikhatsini lesilandzelako nangenyukela lapho, nebaholi nje, ya, kubona letotintfo tenteka nje ngendlela letenteka ngayo. Loko kwakungemnyaka lophelile.

²⁸² Lona ngulomnyaka, khona manje. Lowo Jesu lofanako lowenta leso setsembiso, watsi, “Angeke ngakushiya noma ngikulahle. Ngitoba nawe njalo njalo, kuze kube sekuphele ni kwemhlaba.” Niyakukholwa loko na?

²⁸³ Ngebufakazi lobubonakalako lobunjalo, ngeliciniso lelinjalo licinisekiswa, liciniso lelingilo nje, singativa kanjani nganoma nguyiphi lenye indlela kunekutsi besingativela njengekwendlula kulolphahla, sihlwitfwe na? Ngabe sivumele tintfo telive tasithithibalisa, ngendlela lenjalo na? Lapho, sibona tintfo letimcoka letingito ngco, letifakazelwe kutsi tiliciniso.

²⁸⁴ Manje, umuntfu ngamunye logulako ekhatsi lapha, uma utokholwa nguLowo lofanako lowenta leso setsembiso, futsi ngaLowo lofanako lowakhipha leso sitfutfwane kulowomfana, lowo muntfu, UnguNkulunkulu lofanako lokhona lapha manje. Kube benginanisusela kona, bengiyokwenta, kodvwa angikwati kukwenta. Sewuvele ukutsengele loko, futsi intfo kuphela lomele uyente kukukholwa.

²⁸⁵ Kube ke lomfana wawela ekudlimulekeni, futsi lowesifazane lomncane watsi, “Manje, lingenelana ngani lelohembe na?” Luku mhlawumbe bekungeke kusebente kunoma ngubani lomunye. Niyabona na? Kuye kuphela nje, ngoba kutfunyelwe kuye. Namani wacwila emantini kasikhombisa; kodvwa umuntfu lotsite, acwila, mhlawumbe bebaneke basindze kubulephelo babo. Niyabona na? Kodvwa caphelani. Nguloko Lakushoko lokuliciniso, lelicinisekisiwe, liciniso leliphelele.

²⁸⁶ Manje, sekuhamba sikhatsi, kubita ngisho nelilayini labakhulekelwako. Asi—asimise nje loko kwesikhashana.

²⁸⁷ Ake sicabange nje. Ngabe nguloko Nkulunkulu lakwetsembisa na? Loko bekungaba nguMoya loNgcwele sibili lobewungenta loko. Kunjalo na? Yebo-ke, ngubani longasho kutsi Bekangesuye Moya loyiNgcwele na? Bekanguye. “Mine naBabe Wami siMunye.” Moya loyiNgcwele bekanguBabe waKhe. “Uyobeleka. LeyoNtfo leNgcwele layikhulelw yaMoya loNgcwele.” Ngako, Moya loNgcwele naNkulunkulu nguMoya lofanako, futsi KwakukuYe.

²⁸⁸ Futsi caphelani loko Lakwenta lapho wesifazane atsintse sembatfo saKhe, ngesikhatsi Abuka etetsamelini futsi wacondza imicabango yabo. Livi alisho yini, kutsi, “Livi laNkulunkulu likhalipha kunenkemba lesika ngetinhlangotsi totimbili, uMhloli wemicabango lesenhlitiywensi”? Ngabe Aketsembisi yini, kuJohane loNgcwele 12, noma Johane loNgcwele 14:12, kutsi, “Loyo lokholwa ngiMi, lemisebenti lengiyentako Mine naye utawuyenta na”? Noma, ngabe kwake kwehluleka, ngaphandle kwaloko lokuliciniso na?

²⁸⁹ Khona-ke, Nkulunkulu ulapha. Ulapha kutokwenta wonkhe umuntfu losekhatsi lapha asindze. Ulapha kutsi asindzise wonkhe umphefumulo lolahlekile. Futsi ngaphambi kwekutsi ngente kubitela e-altari, njengoba ngitivela ngiholeleka kutsi ngente, niyabona, kwenta lokubitela e-altari, asesiMbite nje. Bangakhi kini lotolahlekelwa lilungelo, noma atsi, “Uma ngingakhona...” Mhlawumbe tihambi lapha, sitsi, “Angikaze ngibone lomunye waleyo mihlangano. Ngi—ngibebole bantfu bakhuluma ngaletintfo leti, kodvwa angi—angikaze impela ngikubone. Bekungakhutsata inhliityo yami uma bengingabona bona kanye nje Bukhona baKhristu bungena emkhatsini webantfu futsi bente leyontfo lefanako Layenta.” Bekungakukhutsata na?

²⁹⁰ Asikhotsamise tinhloko tetfu; livi. Lonkhe liso livaliwe. Manje akutsi uMoya, lolandzela Livi.

²⁹¹ Manje, Babe, ngikwentile, ngalokwendlula konkhe lengikwatiko kutsi kanjani, Uyayati inhliityo yami. Wati kutsi labantfu laba bayahlupheka ngaphansi kwalokushisa loku, nekutsi baminyetelene, bemile, kodvwa babenekubeketela kakhulu. Ngingacabanga kutsi kwakuluhlobo lolufanako lwesicuku lesema elusentseni ngalolosuku futsi seva Wena ukhuluma usesikebheni. Futsi-ke Wabatjela kutsi, “Calani ningene ekujuleni futsi nehlise inethi kwentela kudvonsa inethi.” Hhayi kubona uma tikhona letitsite lapho. Tatikhona nje.

²⁹² Nekutsi asho kanjani lawo magama ladvumile emphostoli, “Nkhosi, sidwebe ngenethi busuku bonkhe futsi sangabambi lutfo; kodvwa nomakunjalo, ngeLivi laKho sitokwehlisa inethi.” Futsi ngesikhatsi balalela Livi laKho, babamba incumbi yetinhlanti, aze ngisho nemanethi abo acala kudzabuka.

²⁹³ Nkhosi Jesu, akungabateki kutsi besifazane labanengi bashiya iwashingi yabo ngalokokusa, emadvodza lamanengi ashiya emasimu awo, esuka etilimeni, badwebi bashiya emanethi abo, kutokuva Livi laNkulunkulu. Nkhosi Jesu, kube Bewulapha ngesimo senyama kusihlwa, akungabateki impela kutsi kwalokungetulu kwanoma yini lebutsene, beyitobutsana. Kodvwa laba bantfu bakholwa kutsi Awukafi, kutsi Wavuka kulabafile, futsi Ubonakalisa Livi laKho futsi ugcina Livi laKho,

Livi lengibafundzele lona lelivela emiBhalweni lengcwele kusihlwa.

²⁹⁴ Futsi njengoba iNkhosi yetfu ngalesinye sikhatsi yaniketwa liBhayibheli, noma u—uMbhalo logocwako, futsi Yafundza, futsi Yahlala phansi. Futsi Yatsi, “Namuhla lomBhalo ugewalisekile.”

²⁹⁵ Akwenteke futsi, Nkhosi. Akube njalo futsi, kutsi ngalo lolusuku, ngabo lobusuku lobu, kutsi umBhalo lengiwufundzile ungagewaliseka. Futsi sonkhe besisolo sifundzisa, liviki lonkhe, kutsi loko kwakutoba ngiyo kanye intfo leyayitofakazela sikhatsi sekugcina. Bese kutsi-ke tinhlitiyo tetfu titohamba, tijabule.

²⁹⁶ Kungahle kube nalabanengi lapha, Nkhosi, Lokhulumu kubo. Sisite kusihlwa kwati Livi laKho, Livi laKho licinisekisiwe kutsi liCiniso. Siphe kona, Babe.

²⁹⁷ Futsi sisakhotsamise tinhloko tetfu, nje ngendlela yekuhlola, kutithulisa ekushumayeleni. Bangakhi kini ekhatsi lapha, longesiye mbamba umKhristu lotelwe kabusha na? Manje, ungayas esontfweni, kodvwa loko akusiko lelengikubutako. Wena ungu... Uma ungesuye umKhristu lotelwe kabusha, kodvwa uyakholwa kutsi kunaJesu lophilako, uMoya loyiNgewe sibili, futsi ungatsandza kukhunjulwa kuYe manje. Bewungake nje, lapho tonkhe tinhloko tikhottseme manje, nemehlo avaliwe, uvele uphakamisele sandla sakho kuYe, “Nkhosi, ngikhumbule.” Nkulunkulu akubusise. Nkulunkulu akubusise, wena, wena. Nkulunkulu akubusise. Nkulunkulu akubusise. Loko kukahle kakhulu. Ngabe bakhona labanye na?

²⁹⁸ Manje, asibanengi kakhulu ngesibalo. Kodvwa, uyati yini, live lelibeke tintfo letinkhulu netibalo letinkhulu na? Njengoba sishito itolo kusihlwa, kwakungulelincane kuphela, liphimbo lelikhulumela phansi lelakhanga umprofethi kutsi ete ngaphambili nebuso bakhe bumbonyiwe.

²⁹⁹ Manje, uneukholwa kuNkulunkulu. Mnaketfu, dzadzewetfu, bani nekukholwa kuNkulunkulu. Futsi uma yetfu lenkhulu, iNkhosi Jesu lenemusa itofika lapho leLivi lilele lapha, Livi laKhe luCobo, livulekile, futsi itokufakazela kini kutsi loMoya loyiNgewe, lengikhulumu ngawo, uliCiniso! Ungahle kube uye wadideka tikhatsi letinengi ngetintfo letinengi, kodvwa kuphela kuyakhombisa kutsi kukhona indzawo lePhatsekako ndzawanatsite. Futsi ngesikhatsi Enta loko, ngifuna nine leniphakamise tandla tenu, kutsi nite, ningibone, umzuzwana nje.

Manje ningaphakamisa tinhloko enu.

³⁰⁰ Nkhosi Jesu, tsatsa lenkonzo ibe setandleni taKho manje. Ngiyinceku yaKho. Futsi konkhe kushumayela... Livi linye nje lelivela kuWe litosho lukhulu kunako konkhe lebesingakusho esikhatsini sekuphila; Livi linye nje. Siphe kona manje, Babe, lapho ngisanikela loku, leto timfakazo. Uyati kutsi tiliciniso,

Babe. NguWe Lowatiniketa. Futsi atikaze tehluleke. Siphe kona, eGameni laJesu. Amen.

³⁰¹ Manje, bangakhi bantfu ekhatsi lapha, labangenawo emakhadi ekukhulekelwa, loyo logulako na? Phakamisani tandla tenu, yonkhe indzawo esakhiwени, longenawo emakhadi ekukhulekelwa, futsi logulako. Kulungile. Futsi labo labanemakhadi ekukhulekelwa, phakamisa sandla sakho. Kutsi akufane. Futsi bonkhe bahlangehlangene.

³⁰² Manje, kubheka etulu etetsamelini, kucala, kwetsembeka embikwaNkulunkulu, nasembikwe...nine. Ngiyati kutsi, ngibuka ngalapha, kutsi labanye bangani bami bahleti kulelikona lapha. UMnaketfu Noel, wakhe—wakhe...naDzadze Jones, neMnaketfu Outlaw, indvodzana yami, labazalwane laba lapha, neMnaketfu Moore. Angimati lomnaketfu, kodywa ngike ngambona emihanganweni, tikhatsi letimbalwa tekugcina. Angikhoni kubita ligama lalomnaketfu, noma, kodywa ngiyamatı nje ngebuso. Dzadze khona lapha, Dzadze Williams. Dzadze Sharrit lohleti ekoneni. Emuva le ngemuva ngulabanye bantfu labavela etabernakeli eJeffersonville.

³⁰³ Lohleti khona lapha ngumngani wami lomdzala loligugu, iminyaka lengemashumi layimfica budzala, lovela e-Ohio, ushayela ancamule live. Futsi ngiyahamba ngiya e-Africa, futsi yena nemkakhe lotsandzekako babutile uma bebangaya e-Africa nami. Watsi, “Sitobhadala...” Iminyaka lengemashumi layimfica budzala, umnaketfu lolijalimane, longakaze ayati iNkhosi. Ngesikhatsi ngishumayela ngalolobunye busuku, uyangena agcoke timphahla takhe tekugcoka letinhle, kutsi abhabhatiswe. Iminyaka lengemashumi layimfica budzala! Ngephandle kwe...

³⁰⁴ Ngiyakholwa, o, lona nguMnaketfu Waldrop naDzadze Waldrop bahleti lapho. Manje, loko kutsi akube khashane ngange...neMnaketfu Borders. Manje, loko sekutsi akube ngiko.

³⁰⁵ Manje, ngibita emagama abo. Manje, uma ungati kanjalo, ungakhuleki. Niyabona na? Ngikhulekele. Niyabona na?

³⁰⁶ Kodywa ngifuna nine longangati, futsi uyati kutsi angikwati. Ngifuna wena kutsi utsi enhlitiyweni yakho, “Nkhosi Jesu, ngivile loku kukhulunywa ngako. Ngi—ngimvile lomshumayeli lona kusihlwa afundza loku eBhayibhelini. Ngibuvile lobo bufakazi, futsi ngive lokufanako, niyati, ngetikhatsi letehlukene loku kwenteka. Ngabe sesisondzele kangako ekupheleni, Nkhosi? Ngabe sisondzele kangako na?”

³⁰⁷ Khumbulani, ngesikhatsi leso sibonakaliso sentiwa eSodoma, lelidolobha lelasha, Jesu watsatsisela kulo, watsi, “Njengoba kwakunjalo...” Leso kwakusibonakaliso sekugcina lebasemukela ngaphambi kwekutsi lelidolobha libhujiswe. Futsi

Jesu watsi loko kuyoba yimphindza ekubuyeni kweNdvodzana yemunntfu.

³⁰⁸ Manje, niyati kutsi loko kunjalo, kanjani kutsi, loNkulunkulu, Nkulunkulu enyameni! Bangakhi labakholwa kutsi kwakunguNkulunkulu lolowakhuluma na-Abrahama na? Ya. Yebo-ke, liBhayibheli litsi, “Elohim,” ngako, loko, lowo ngu—ngu—nguMdali lomkhulu wemazulu nemhlaba, Loyo lowenele konkhe. Bekanguye.

³⁰⁹ Bekakhombisa ini Yena? Bekasemtimbeni wemunntfu, wema lapho futsi wadla inyama yelitfole, futsi wanatsa lubisi loluvela enkhomeni, kwase kutsi-ke bekanganyamalala emehlwani. “Ngitokuvakashela ngekwesikhatsi leNgakwetsembisa sona.” Niyabona na? Wambita ngeligama lakhe. Futsi afulatsele ngemhlane waKhe, watsi, “Uphi Sara na?”

Watsi, “Ulangekhatsi ethendeni lamvakwaKho.”

Watsi, “Ngitokuvakashela ngekwesikhatsi sekuphila.”

³¹⁰ Futsi Sara watsi, “Hmm, hmm,” ngemuva ethendeni.

³¹¹ Watsi, “Uhlekeleni Sara?” Khumbulani, liBhayibheli latsi bekasethendeni emvakwaKhe. Watsi, “Uhlekeleni Sara?”

Sara watsi, “Angikaze.”

Watsi, “Yebo, ukwentile.” Niyabona na? Kunjalo.

³¹² UMunntfu eme lapho, Nkulunkulu ativeta Yena lucobo enyameni yemunntfu. Jesu watsi kuyoba yintfo lefanako ekufikeni kweNdvodzana yemunntfu: Nkulunkulu eBandleni laKhe, wena, mine, siveta Yena lucobo. Manje, kwakukhona wesifazane lomncane . . .

³¹³ Ngesikhatsi Nkulunkulu bekakuKhristu, BekanaMoya ngalokugcwele. BekanguNkulunkulu. Ngingulenye yetinceku taKhe, futsi wena unguhlenye yetinceku taKhe. Sina—naMoya nge—ngesilinganiso. BekanaWo ngale kwesilinganiso. “KuYe kwakuhlala kugewala kwebuNkulunkulu ngekwemtimba.” Kimi siphо lesincane nje, futsi ekhatsi kuwe siphо, saKhe. Kodvwa, kungakhatsaleki kutsi siyingcosana kangakanani, nguMoya lofanako.

³¹⁴ Manje, uma lowo kunguMoya waNkulunkulu, Uyokwenta imisebenti yaNkulunkulu. Manje, khuleka futsi utsi, “Nkhosi Jesu, wesifazane lomncane ngalesinye sikhatsi watsintsia sembatfo saKhe.” Futsi sitsi . . .

³¹⁵ Ngalapha eThestamenteni leLisha, watsi kumaHebheru, watsi, “UngumPhristi Lomkhulu khona manje, lonekuelana nebutaksaka betfu.” Bangakhi lowatiko kutsi liBhayibheli na? Tsani, “Amen.” [Libandla litsi, “Amen.”—Umhl.] Impela. Yebo-ke, loko kutofanele kube liciniso.

³¹⁶ Yebo-ke, uma Anguye itolo, namuhla, naphakadze, Bekangakuphendvula kanjani na? Ngalokufanako nje njengoba Entile itolo, uma Anguye namuhla.

³¹⁷ Manje, khuleka futsi utsi, "Nkhosi Jesu, angitsintse ingubo yaKho. Futsi-ke, Uphe uMnaketfu Branham siphо lesincane, kutsi asikhutsate. Futsi akangati. (Ngihleli emuva le *lapha*; *nangalapha*; naphansi *lapha*; nanoma ngukuphi lapho ngihleli khona...) Akangati, kodvwa Wena uyangati. Futsi asengibone uMoya waKho lomkhulu, Nkhosi. Hhayi njengoba ngifanele ngikwente, kodvwa nje kusita ungikhutsate kanye nabo bonkhe labanye, ngoba silifundzile Livi. Asengitsintse ingubo yaKho, bese Uyangiphendvula. Angisetjentiswe kusihlwa, Nkhosi, ngaleyonhloso. Itobonisa tonkhe tetsameli kutsi Usaphila." Loko kungaba kuhle kakhulu yini uma Atokwenta loko na?

³¹⁸ Manje, tsani nje kukhuleka, wena ngekwakho, ngalokuthulile. Utsi, "Nkhosi, angitsintse sembatfo saKho." Futsi ngitotinikela kuMoya, futsi-ke kwangatsi Moya loNgcwele angenta konkhe lolokunye. Ngoba, manje, ngikhulumile, ngafakaza, kodvwa angisakhoni kwenta futsi manje. Ngisekupheleni kwendlela yami.

³¹⁹ Ngibukisia tetsameli nje, kubona uma mine... Ngifanele ngikubone, niyati. Niyakucondza loko.

³²⁰ Emuva ngesencele sami, emuva le, ngetindlela letisemkhatsini emuva kwalesakhiwo, nguvesifazane lokhulekako. Ulungela kufa, uma Nkulunkulu angamsiti. Unemdlavuza, nalomdlavuza usebeleni lakhe. O, kwangatsi angete akugeja!

Ngisite, O Nkhosi.

Dzadzewetfu, uma utokholwa! O, hhe! Utokugeja.

Nkhosi Jesu, sisite, siyakhuleka.

³²¹ Mary May. Nako laph'ukhona. Ngabe sitihambi kulomunye nalomunye na? Angikwati. Awungati. Ngabe loko bekutimo, futsi loko... ngabe konkhe lolokushitiwo bekuliciniso na? Khona-ke, kholwa. Kutophela. Amen.

³²² Manje, kusukela ebumnyameni lobebusetikwakhe, sekukhanya. Ngalokucinisekile nje njengalowomfana, lesitfutfwane sasuka kuye. LoNkulunkulu lofanako, Lowo lobekasenhla lapho emahlatsini asenyakatfo, nguNkulunkulu lofanako lapha. Chubeka ukholwa nje. Amen. "Uma ungakholwa!"

³²³ Naku Lapha etikwalowesifazane lohleti lapha embikwami. Unentfo letsite lengalungi ngemgogodla wakhe. Yi-diskhi yemgogodla lephumile, emgogodleni wakhe. Yena, akasuye walapha. Uvela e-Montana. LiGama lakhe nguNkhosatana Stubbs. Sukuma, yemukela kophiliswa kwakho eGameni laJesu Khristu.

Awudzingi kutsi ucindzetele. Khululeka nje.

³²⁴ Umfo lomkhulu lohleti lapha, angibuka, enta *kanjalo*. Kholwa. Utosinda. Unenkinga yekukhatsatwa yimizwa. Uma ukukholwa, Nkulunkulu utokwelulamisa.

³²⁵ Lodzadze lonenkhatsato yebesifazane. Kukholwe, futsi ungalulama. Buyela ekhaya, futsi ube nekukholwa kuNkulunkulu. Kungani ngitsite buyela ekhaya na? Utofanele ubuyele eNew Mexico, kuze ufiye lapho, Mnumz. naNkkt. Watkins. Manje, uyati kutsi anginati. Amen.

³²⁶ Lodzadze emvakwakho ngco, unaleyo nkhatstsato yesilondza sangekhatsi emlenteni, Nkhosatana Brown. Utokholwa kutsi Nkulunkulu utokuphilisa na? Ubonakala unenshisekelo. Manje, uyati kutsi angizange sengikubone emphilweni yami. Emlentemi wangesencele. Manje, kholwa ngayo yonkhe inhlitiyo yakho, utolulama.

³²⁷ Lodzadze utama kunyakata, futsi unesifo sekucacambelwa matsambo. Siyambopha, kabi. Nkkt. Fairhead, kholwa ngayo yonkhe inhlitiyo yakho, futsi utosinda. Manje, uyati angikaze ngikubone emphilweni yami. Loko, o...[Lodzadze utsi, "...philiswa phambilini. Ngike ngaphiliswa phambilini, futsi ngiyati Utongphilisa."—Umhl.] Amen. Ya.

³²⁸ Nikholwa ngayo yonkhe inhlitiyo yenu manje na? Manje, yini Latoyenta na? "Utotsatsa letintfo lenginitjele tona, futsi uttonikhombisa tona. Futsi-ke Utonikhombisa tintfo letitako." Niyabona kutsi ngisho kutsini na? NiyaMkholwa na?

Manje asikhotsamise tinhloko tetfu futsi.

³²⁹ Manje, wena lowatiko kutsi uma bewungandlula kulokuphila kusihlwa, kutsi bewutoba...bekungeke yini kube...bewuyobe sewuhambile, awukatalwa kabusha. "Uma umuntfu angakatalwa kabusha, angeke awubone ngisho uMbuso." Kungani ungeti *lapha* ngco na? Mani lapha futsi usivumele sikukhulekele, khona lapha, emzuzwini nje? Ungeta khona manje eBukhoneni baloMoya lona?

³³⁰ Angeke ubone nomayini yenteka ngalokukhulu kakhulu kuze cube ngulapho ubona kuBuya kweNkhosi. Manje, khumbula nje. Ngalokucinisekile ngiyati kutsi ngikhulumana ngani, noma nakungenjalo Bekangeke aphe lenkonzo. Ungakuvumeli kukwendlule manje. Ngabe ucotfo na?

³³¹ Ungeta na? Uma ungeke, khona-ke, kusemkhatstini wakho naNkulunkulu, kulele khona. Ngimsulwa. Ngihlantekile kuyo yonkhe ingati, ngoba nginitjele liCiniso. Nginishumayele Livi. Nginitjelile kutsi Bekayini. Futsi Yena, uma Efika, Wakufakazela loko Lebekangiko ngaleso sikhatsi; futsi Ungivumela ngifikazele loko Langiko manje. Unguye njengoba Bikanjalo ngaleso sikhatsi. Niyakukholwa na?

³³² Khona-ke, bangakhi labagulako labasekhatsi lapha ke, lomunye lapha logulako na? Phakamisani tandla tenu.

³³³ Manje bekani tandla tenu etikwalomunye nalomunye, futsi ake sikhuleke umkhuleko wekukholwa ngawe.

³³⁴ Manje ngifuna kunibuta lokutsite, nithulile. Uma Nkulunkulu, uma Nkulunkulu angefika futsi ente lowomangaliso. Ummangaliso yintfo letsite lengeke ichazeke. Manje, uma ufisa kubuta nomangubani walabantfu laba labasedvute, hamba ubabute, nomu ngasiphi sikhatsi sanoma ngukuphi. Niyabona na? Khumbula nje, nguNkulunkulu. Loku lapha yimibono nje lengumvuka. Ngubani, ngubani, yini leyenta loko na? Nguwe, wena lucobo. Ngini lenenta loko.

³³⁵ Niyabona, ngesikhatsi lowo wesifazane atsintse sembatfo saKhe, Watsi, “Emandla aphumile kiMi.” Kodvwa ngesikhatsi Babe amKhombisa ngaLazaru, futsi Wahamba waphindze wabuya, futsi wavusa Lazaru kulabafile, Akazange atsi “emandla.” Lowo kwakunguNkulunkulu asebentisa siphiko saKhe luCobo, futsi lokunye kwakungulowesifazane asebentisa siphiko saNkulunkulu.

³³⁶ Angisiso siphiko saNkulunkulu. Jesu Khristu usiPhiwo saNkulunkulu. Siphiko nje Langinika sona, kutsi ngatalwa ngaleyondlela, nemuzwa lomncane nemuzwa (umuzwa wekucala) undzawonye ngco. Awuyi kuyolala; uvele ukubone nje. Moya loyiNgcwele ufika etikwemuzwa lomncane njengoba Wenta kumuzwa wekucala. Uma Ufika emzwensi wakho lomncane, bewuyoba neliphupho lakamoya. Ufika etikwewami, angiphuphi. Ngivele ngibuke lapho futsi ngikubone. Niyabona na? Futsi, sitalwa, awukwati kutenta nanoma yini leyehlukile. Utalwa ngaleyondlela. Niyabona na? “Tipho nekubitwa kungaphandle kwekuphendvuka.” Yini lokutokwenta na? Kubonakalisa Jesu Khristu. Unguye itolo, namuhla, naphakadze.

³³⁷ Ngetandla takho tibekwe etikwalomunye nalomunye, ngiyetsema kutsi utobeka inhilityo yakho ekunakekeleni kwaNkulunkulu khona manje, “Nkhosi, ngihlole. Ngabe sengibe ndzimundzimu ngetintfo telive, kutsi ngiyejhuleka kubona leliawa lelikhulu lelendlulako na?”

³³⁸ Uyati, nguleyondlela lobekuhlala njalo kungayo. Kwahamba kwadzabula ngco ebandleni, futsi abazange bakwati. Lowo ngumlandvo. Ningakuvumeli kwendlule, bangani, kubona livi lifakazelwa, njalo njalo, ubone Livi laNkulunkulu libonakaliswa, futsi yena kanye loyoMuntfu waJesu Khristu angena ngco emkhatsini walona bantfu futsi enta nciamashi ngendlela Lenta ngayo phambilini.

³³⁹ Babe loseZulwini, ngiyativela manje, Nkhosi, kutsi Livi laKho lifundziwe. Bufakazi buniketiwe. Moya loyiNgcwele wehlide futsi wacinisekisa leloLivi nebufakazi. Manje

kusetandleni tebantfu, Nkhosi. Kulele etsangeni labo. Akukho lokunye lengikwatiko kutsi ngikusho. Futsi angati ngalutfo lolunye Lowalubhala eVini, kutsi Bewuyolwenta, ngoba Sewuvele ubaphilisile. Kukubenta nje bakukholwe. Na We wenta intfo lefana nalena, futsi singabe sisangabata kanjani futsi na? Singabe sisamvumela kanjani Sathane kutsi ente ndzimundzimu nembeza wetfu futsi na?

³⁴⁰ Sathane, ngimemetela lokuphiliswa loku etikwalabantfu, futsi ngitsi kuwe, “Ngiyakuyala, eGameni leNkhosi Jesu Khristu, phuma lapha. Phuma, eGameni laJesu Khristu, futsi yekela labantfu bahambe.”

³⁴¹ Manje, uma uMkholwa, mani ngetinyawo takho. Uyakholwa na? Phakama ume ngetinyawo takho ke, bese uniketa Nkulunkulu ludvumo. Phakama futsi ukukholwe. Ungabe usakungabata.

³⁴² EGameni laJesu Khristu, akutsi Moya loyiNgewe aletse injabulo, emandla, luvuko, iMphilo kulabantu laba, Nkhosi.

³⁴³ Nikani Yena ludvumo manje, futsi nibusise liGama laKhe lelingewe. SiyaMtsandza. SiyaMdvumisa. SiyaMkhonta, Longacatsaniseki, Loyo loPhakadze, iNdvodzana yaNkulunkulu lophilako. EGameni laKhe, meMuKele. Ulapha. Amen. 

UMOYA WELICINISO SSW63-0118
(Spirit Of Truth)

LoMlayeto ngeMnaketfu William Marrion Branham, kwekucala wetfulwa ngesiNgisi ngaLesihlanu kusihlwa, ngenyanga yaBhimbidvwane 18, 1963, eChurch Of All Nations ePhoenix, eArizona, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org